


南山律在家備覽

略編

學者宜先詳覽卷首之例言及目表然後再閱正文。

宗體篇

宗體中分爲四門



▲事鈔云『今略指宗體行相。令後進者興建有託』 資持釋云『興謂發心建卽立行。識體進行成因果故云有託』

△事鈔又云『但戒相多途非唯一軼心有分限取之不同若任境彰名乃有無量。且據樞要略標四種。一者戒法二者戒體三者戒行四者戒相』 資持釋云『初敍廣上二句據法明廣五八九十具四位不同次二句約心明廣卽上四位各有三品若下二句就境明廣情及非情不可數故。且下示要樞卽門樞亦取要義』

三品者見後歸戒儀軌五戒中依境發心文。

▲資持云『欲達四科先須略示聖人制教名法納法成業名體依體起護名行爲行有儀名相。有云未受名法受已名體今謂不然法之爲義貫徹始終安有受已不得名法須知下三從初得號是故一一皆得稱戒或可並以法字貫之方顯體及行相非餘泛善』

爲行有儀名相者戒相有二義一約行爲相如今所云二以法爲相如後持犯篇所示

▲資持云「問所以唯四、不多少者答。攝修始終無闕牘故隨成一行四義整足。言有次第行不前後。」

▲資持云「問法之與體同異云何答。業疏云體者戒法所依之本是則法爲能依體是所依不可云同。又云戒體者所謂納聖法於心胸卽法是所納之戒體據此不可云異應知言法未必是體言體其必是法不卽不離非同非異。」濟緣云「問卽法是體法體何分答若望未受但名爲法體是無情若加期誓要緣領納依心成業此法有功乃名爲體如藥丸喻藥味各別如戒法也相合成丸如戒體也丸非他物卽藥成丸雖異而同雖同而別如是知之。」見業疏記 卷十六

▲資持云「問行相何異答三業分之。」已上皆見事 鈔記卷三

三業分之者戒行屬意戒相屬身口行屬意者約能察言見後戒體門圓教宗能憶能持能防等疏記之文及戒行門首段鈔記之文相屬身口者見後持犯篇持犯總義門成就章就業明四行文若爾何故資持又云三業造修名行耶答彼兼所察言也。

第一門 戒法

戒法中分爲二章



第一章 通敍戒法

通敍戒法中分爲三節



第一節 示相彰名

示相彰名中分爲二項——一正示

二雜簡

第一項 正示

▲事鈔云「言戒法者。語法而談。不局凡聖。直明此法必能軌成。出離之道。要令受者信知有此。」資持釋云「示相中初標示。直下正明。法雖兩通。不能委辯。但從聖論。故云直也。軌成者示法義也。出離道者聖所證也。要下出從聖所以然此。但示法之功力。文不明指。何者是法意。令學者思而得之。」

△事鈔續云「雖復凡聖通有此法。今所受者就已成而言。名爲聖法。」資持釋云「彰名中初二句蹠前。今下正示。已成者初果已上所修三學名聖道故。今雖在凡亦名聖法。因中果號也。」已上皆見事
妙記卷三

▲業疏云「問。人皆知受所受是何。答。相傳解云。受名聖法。由此法故奉敬守護淨如明珠。能爲聖道作基址故。」濟緣釋云「受者雖多而不自知所受之體。欲警學者故發是問。答中云相傳者承古所解。舉果因以其能通聖道故。復令受者不自輕故。」見業疏記
卷十五

第二項 雜簡

雜簡中分爲三支——一化制

二戒善
三德性

第一支 化制

化制者。化教制教。制教亦云行教。戒疏攝教分齊中雖以行教與制教別列。但此外鈔疏及記中皆行制二名互用。義蓋可通。又戒

南山律在家備覽略編 宗體篇 戒法門 通敍戒法章 示相彰名 正示 雜簡 化制

疏雖局取三輪。但此外鈔疏及記中皆以化行或化制而分二教。資持云。如戒疏中或約三輪或約化行或約化制或約制聽彼取三輪。今用化行隨時用與未須和會。

▲業疏云「自古詳教咸分兩途。化教則通被道俗專開信解之門。行教則局據出家唯明修奉之務。」

濟緣釋云「就文二教對明兩別道俗出家被機異也。信解修奉立法異也。戒疏云何名化教開演化導令識邪正教本化人令開慧解本非對過而立斯教。言行教者起必因過隨過制約、言唯持犯事通止作戒律一宗局折教矣。」

▲濟緣云「十善五停四弘六度一切觀行並化教業。毗尼所詮開遮輕重一切律藏並制教業化據理性、理有順違制就教法教有持犯。」已上皆見業疏記卷一

▲資持云「一代時教總歸化行開其信解用捨任緣故名化教制其修奉違反有過名爲行教。」

鈔疏及記簡別化制二教之文屢見其義大同未能具錄今就上文列表於後以示兩別。



▲資持云「問、五八二戒既是戒制應是行攝。答。教所攝。」已上皆見事鈔記卷二

南山律中以十戒具戒屬制教五戒八戒屬化教。今案五戒八戒與常途之化教異。正屬化教義當制教義雖通制而教終局化猶如四分律宗正屬小乘義當大乘。義雖通大而教終局小也。〔此意於宗體篇中屢明〕所以謂五戒等義當制教者。如業疏云。如來設教類同空界隨立一相攝修皆盡五戒被俗之法五體通道之規持犯相扶難遮齊則。〔於後歸戒儀軌章首具錄此疏文及濟緣

釋義。宜檢尋之。文據甚明。蓋無可疑。

第二支 戒善

▲業疏云「問。一切善作盡是戒否。答。律儀所攝善作名戒。自餘十業。但單稱善。不名爲戒。」
濟緣釋云「戒有二義。一有本期誓。二徧該生境。餘善反之。故不名戒。」
見業疏記

▲事鈔云「宜作四句。一者善而非戒。謂十中後三是也。律不制單心犯也。」

二戒而不善。即惡律儀。

三

亦善亦戒。十善之中前七支也。以不要期直爾修行。故名善也。反此策勵。故名戒也。

四俱非者。身口無記。

資持釋云「初句。後三者。卽貪瞋邪見。化教所禁。故名善。律所不制。故非戒。四分重緣相同。十業可入戒收。若約菩薩。十善俱戒。如是知之。第三句中。初示相。以下雙釋。不要期者。顯示世善無願體也。反此者。謂有要期受體。然後如體而修。」
見事鈔記 卷十六

第三支 遮性

▲戒疏云「明遮性者。由惡緣境。不可隨說。以義收之。大分爲二。」

△戒疏續云「言性惡者。如十不善。體是違理。無論大聖制與不制。若作違行。感得苦果。故言性惡。是故如來制戒防約。若不制者。業結三塗。不在人道。何能修善。故因過制。從本惡以標名。禁性惡。故名爲性戒。」
行宗釋云「初釋性義。性即是體。違理之惡從心而起。不由制有。故云無論等。是下合戒義。初綏須制。故下明立制於本業上。復增制罪。故云因制應知性戒。之言。卽業制雙舉也。」

△戒疏續云「言遮惡者。聖未制前。造作無罪。由非正業。無妨福善。自制已後。塵染更深。妨亂修道。招世譏議。」

謗、故名遮也。」

行宗釋云「初示反前性惡。自下明因制而成犯。塵染更深者多違犯故。妨道招譏亦卽自他兩失。」

△戒疏又云「性罪三過。一違理惡行。二違佛廣制。三能妨道業。遮罪具二。體非違理。故名爲遮。」

已上皆見
戒疏記卷

上明遮性二意。若約五八戒言。或四屬性酒等爲遮。性惡可知。遮惡如業疏引俱舍文略明。今錄於下。

▲業疏云「俱舍論云。由飲酒故。卽便忘失是事。非事念也。離莊嚴者。謂非舊莊嚴也。若常所用莊嚴。不生極醉亂心也。若用高勝臥處及歌舞音樂。隨行一事。破戒不遠也。若依時食。離先所習非時食也。憶持八戒。卽起厭離隨助之心。若無第八。此二不生也。」濟緣釋云「酒能亂性。不辨是非。容犯諸戒。故非舊莊嚴。謂華瓔等俗中常習是舊莊嚴。今並離之。但存常所服用故云非也。高牀長慢。樂音動情。皆近破戒。依時食者。卽不過中。憶八戒者。無他念故。卽滅惡也。起厭離者。不樂世緣。卽生善也。若不節食飽腹嗜味。故二心不生也。」

見業疏
記卷十

第二節 略辨教體

▲資持云「夫教者以詮表爲功。隨機爲用。雖廣開戶牖而軌度無差。雖刻定楷模而攝生斯盡。圓音隨應。情慮難求。且依業疏三宗以示一家處判。然教由體立。體卽教源。故須約體用分教相。一者實法宗。卽薩婆多部。彼宗明體則同歸色聚。隨行則但防七支。形身口色成遠方便。此卽當分小乘教也。二者假名宗。卽今所承彙無德部。此宗論體則強號二非。隨戒則相同十業。重緣思覺卽入犯科。此名過分小乘教也。三者

圓教宗、卽用涅槃開會之意決了權乘同歸實道、故考受體乃是識藏熏種、隨行卽同三聚圓修、微縱妄心卽成業行、此名終窮大乘教也。然今四分正當假宗深有兼淺之能、故旁收有部教蘊分通之義、故終會圓乘、是則大小通塞假實淺深、一代雄詮歷然可見。」見事錄記卷一



業疏三宗爲南山律中之樞要、資持所舉三宗之受體與隨行、文簡義廣、初學難解、今撮錄諸文、略釋如下。

受體者、受戒時所發之業體。同歸色聚者、通指實法宗之作戒及無作戒二體俱色。強號二非者、別指假名宗之無作戒以非色非心爲體。識藏熏種者、別指圓教宗之無作戒以非色。

隨行者、旣受戒已、憶持防護。但防七支者、卽十業中之前七、殺盜婬妄言兩舌惡口綺語也。多宗唯具戒防七支、五戒八戒等但防前四支。若成宗、五戒八戒等亦防七支。形身口色成遠方便者、多宗結犯不約心論、遠方便罪亦須動色成犯。相同十業重緣思覺卽入犯科者、成宗雖同大乘通於十業、但大乘約警爾、此約重緣、故有深淺不同。警爾者、卽獨頭心念、下云微縱妄心卽成業行是也。重緣者、謂後念還追前事。故大乘初念卽犯、成宗次念乃犯。已上多宗成宗隨行之義、於後持犯篇特犯總義門成就章廣明。

三聚之義、於後五戒依境發心支釋。圓修之義、於後戒體圓教宗中委明。


▲芝苑云『一代聖教不過大小人理教行一一不同、然須略識淺深之相。且就一家、約本受體則分三位。一者十誦多宗、名當分小乘教也。二者四分成實、正小兼大、名過分小乘教。三者圓教、全是大乘。今正依成

實、旁用多宗、終歸圓教。蓋取涅槃顯性談常重扶之意。學者臨文、無宜混濛。良由以小望大、則大小懸殊。以大攝小、則小無不大。故事鈔引勝鬘經智度論並以聲聞毗尼卽大乘學、又戒疏所引大集經中五部雖異、不妨諸佛法界涅槃、又引無量義經云法水一也。江河井池分其異耳。今宗準此諸意、並以圓意用通律乘。如昔光師直以四分判屬大乘、太爲浮漫。近世相承以爲至說、此全不曉大小分齊、或有不許分通專判爲小、此又不了假實兩宗教之優劣。過猶不及、此之謂也。」見芝苑遺編卷一

如昔光師者、卽北齊慧光律師。

第三節 顯知由徑

顯知由徑中分爲五項



第一項 聖道本基

▲戒疏云『斯乃大聖降臨、創開化本。將欲拯拔諸有、同登彼岸。爲道制戒、本非世福。』爲道者通而爲語、卽指三乘推佛本意。下至翻邪、終爲一實而作前引。況經開會、殊途同歸。涅槃重扶、無非顯性。今明爲道、專指佛乘、止息化城、終非本意。故知化本尙非二乘、豈爲世福而立斯戒。』

翻邪者、翻邪三歸、卽但受三歸依也。

△戒疏續云『然煩惑難清、要由方便、致設三學用爲治元。故成論云、戒如捉賊、定縛慧殺。三行相因、斯須攝濟。故初行者務先學戒、檢策非違。三業清淨、正定正慧、自然而立。』 行宗釋云『欲明三學開設之致、此略敍之、則文無所壅。夫一切衆生、本來皆具真精妙性、性之爲體、唯寂唯照。一迷此性、乃昏乃散。翻號無明、積成煩惑、計有人我、隨境發毒。鼓身口意、造生死業。流轉諸趣、億劫無窮。大覺慈哀、將令離苦、察病設藥、對分三種。內心昏動、對立定慧身口、非違對立淨戒。聖教雖多、不越三學。三學所立、唯依色心。論其起也、則從本以發枝、用其治也、則先粗而後細。首先制戒、意在於斯。譬夫濁水、風激波騰、風波未息、欲得清澄無有是處。三學次第、理數必然、乖越常模、去道全遠。煩卽昏濁、惑謂亂動。三毒結使、劫掠善財、喻之如賊。三行相因、謂次第而生。斯須攝濟、謂不可相離。』

▲資持云『五分功德、以戒爲初。無上菩提、以戒爲本。安有棄戒、別求聖道。智論所謂無翅欲飛、無船欲渡。聖言深勉、可不信乎。』

見事鈔記

卷十五

第二項 戒有大用

▲事鈔云『夫三寶所以隆安、九道所以師訓、諸行之歸、憑賢聖之依止者、必宗於戒。』 資持釋云『

初句住持義、次句軌物義、三發趣義、四本基義。此之四句攝盡戒功。文敍功能而首標大用者、良由有用方見功能、功用彰所以先舉。』

見事鈔記

卷十五

第三項 略解名義

▲事鈔云『依彼梵本具立三名。初言毗尼、此翻爲律。二言尸羅、此翻爲戒。三言波羅提木叉、此云處處解

脫。顯三次第。即是。一化始終。律則據教。教不孤起。必詮行相。戒則因之而立。戒不虛因。必有果克。故解脫絕縛。最在其終。』 賚持釋云。『一化始終者。教行果三。不唯戒律。一切教門次第皆爾。』

△事鈔續云。一次明其義。初云律者法也。謂犯不犯輕重等法。並律所明。卽教詮也。二者戒義。戒者性也。性通善惡。故惡律儀類亦通周。若此立名。戒當禁也。三解脫義者。近而彰名隨分果也。謂身口七非犯緣。非一各各防護。隨相解脫。遠取戒德。因戒克聖。望彼絕累。由違戒本。』 賚持釋云。『初釋律義中二。上句訓字法。以楷定爲義。謂下釋義。一切戒本大分爲二。前明犯相。後明不犯。犯中復二。卽輕與重。四義攝盡。毗尼大藏。就輕重中。復有因果闕緣。開制之異。故云等也。顯示律名從教而立。故云並律等。次釋戒義中戒以性名。性通三性。且論善惡互不相容。各得禁義。惡律儀亦名惡戒。屠兒獵師旃陀羅輩常行殺害。名受惡戒持惡律儀。三釋解脫中。約近遠兩義。釋之近中。言隨分者。顯非頓脫。卽處處義也。次遠義者。此以凡地所受。望後聖果。故云遠取。卽前聖道本基義。故云因戒等聖。總三乘累該五住。問近遠兩釋。何以分之。答。此有多異。一近約止業。遠望除惑。二近是凡地。遠卽聖道。三近是就因。遠卽從果。四近是漸防。遠卽頓破。』

〔已上皆見事
鈔記卷十五〕

翻名 ── 毘尼 ── 翻爲律

尸羅

翻爲戒

波羅提木叉 ── 翻爲處處解脫（戒疏翻爲別解脫）



第四項 優劣有異

▲資持云『優劣中。優卽勝也。前後並單論別脫。此兼道定、還欲對顯別脫功勝』



▲事鈔云『婆論云。木叉戒佛在世有。希現故勝。禪無漏戒。一切時有。二木叉通情非情、寬故言勝。餘二局情、狹故不如。三木叉從慈心發故勝。能爲佛道作因。四木叉戒者被及七衆。紹續三乘三寶三道。住持功強。餘二無能故劣。五木叉戒者唯佛弟子有。餘禪戒者外道亦有。』 資持釋云『多論五種。初時二境。三心四功五人。初時希常者以木叉須佛出世制方有故。餘二縱非佛出亦有得定證道之者。故常有也。二境中木叉遮性通禁。餘二但止性惡。三約心者慈卽大心。故是佛因。論云。禪無漏戒不以慈心得。謂從智得。此專自利。卽二乘心劣可知也。四明功有二。一攝生廣被七衆故。二住持勝紹續等故。住持中三種並以紹續字貫之。初所乘法。二卽所住境。三謂所成果。五約人中外道無無漏戒。故但舉禪戒耳。以彼亦得無色定故。』

已上皆見事
鈔記卷十五

第五項 重受通塞

▲資持云「重受中意令行者審已所受更求增勝故也。」

▲事鈔云「依薩婆多宗戒不重發亦不重受。依本常定。」 資持釋云「言不重發者。彼云木叉戒者無有重得。若微品心受得五戒。後以中上品心受十戒。先得五戒更無增勝。於後五戒乃得增耳。不重受者。彼計一受即定。既不重發。更受不增。故不立也。」

△事鈔又云「成論云。有人言波羅提木叉有重發否。答云。一日之中受七善律儀。隨得道處更得律儀。而本得不失。勝者受名。其七善者謂五戒八戒十戒具戒禪戒定戒道共戒也。」 資持釋云「成宗開重受。本得不失者從前體增爲後體故。勝者受名。從後彰名。前名沒故。成論離禪定爲二戒。色無色別故。多宗合爲一。俱不動業故。問重發重受如何分別。答重發據多戒。重受約一戒。若爾論明重發。那見重受答。由體重發。卽得重受。以彼重受一體發故。」已上皆見事鈔記卷十五

▲芝苑云「夫戒者。截苦海之舟航。發萬善之端緒。三乘聖賢之所尊敬。歷代祖師之所傳通。但受之者心。有明昧學。有精粗。而不能一揆。故有初受者焉。重增者焉。律明發心則有三品。一者唯期脫苦。專求自利。名爲下品。此二乘心也。二者爲物解疑。自他兼濟。名爲中品。此小菩薩心也。三者忘已利生。福智雙運。了達本性。求佛菩提。名爲上品。此大菩薩心也。審知初受。但發中下佛開重增轉爲上品。此所謂增戒也。」見芝苑遺編補遺


第二章 歸戒儀軌

▲業疏云『古來集法多削在家。便製疏云律制內衆不被外部。今據律文通收清信禁束三業爲道階梯理須明練是非通塞成敗何以知耶。如來設教類同空界隨立一相攝修皆盡五戒被俗之法五體通道之規持犯相扶難遮齊則』濟緣釋云『同空界者虛空有二義一無邊義喻周徧也二包含義喻攝機也。且舉五戒顯上一相廣攝之義被俗法者約相局也通道規者據體通也。但姪分邪正罪無篇聚至於大重小輕方便趣果義則不別故云持犯相扶扶字或作符羯磨註引善生經具問遮難與道不異故云齊則』

▲業疏云『薩婆多云三歸五戒乃至別脫由佛出故開立此法。但輪王梵王說世間法惠利衆生故十善四弘劫初便有未能清昇超越世境法王出世不爲世善要斷煩惱遠出界繫故明戒善令依具修定慧等行集生有本此其意也』濟緣釋云『初舉歸戒所出別脫卽具戒也。但下比較優劣初明世教之劣輪王是人主十善化人梵王是天主以四弘化人卽慈悲喜捨四無量心不待佛出故劫初卽有報在人天故未超世教法王下次明歸戒之勝莫非斷集脫苦修道證滅也』已上皆見業疏記卷十

歸戒儀軌中分爲三節

一翻邪三歸



第一節 翻邪三歸

▲業疏云『母論云有五種三歸一翻邪二五戒三八戒四十戒五具戒唯具戒者不行於今餘四通有』

南山律在家備覽略編

宗體篇

戒法門

歸戒儀軌章

翻邪三歸


一三

南山律在家備覽略編 宗體篇 戒法門 歸戒儀軌章 翻邪三歸 歸意 顯相

一四

濟緣釋云『母論三歸該通五法足彰功勝』見業疏 記卷十

翻邪三歸中分爲六項



第一項 歸意

▲業疏云『多論云以三寶爲所歸。所歸以救護爲義。如人獲罪於王。投向他國。以求救護。彼王勅言。汝求無畏以投我者。莫出我境。莫違我教。必當救護。衆生亦爾。繫屬於魔。有生死過。歸向三寶。魔無如之何。』 濟緣釋云『初句示境。所歸下顯義。如人下舉喻。衆生下合法。上三句合上獲罪於王。下二句合上投向他國。魔有四種。天魔五陰。魔煩惱魔死魔。未歸三寶。皆繫屬焉。』見業疏 記卷十

第二項 顯相

▲戒疏云『有四種三寶。一理體者。如五分法身爲佛寶。滅理無爲是法寶。聲聞學無學功德是僧寶。二化相者。如釋迦道王三千爲佛寶。演布諦教爲法寶。拘鄰等五爲僧寶。三住持者。形像塔廟爲佛寶。紙素所傳爲法寶。戒法儀相爲僧寶。四一體者。如常所論。唯約心體義分三相。如涅槃說三寶同性等。』 行宗釋云『他宗皆闕理寶。四位分別獨出今疏。初明理寶。五分者戒定慧從因受名。解脫解脫知見。

從果彰號。滅理四諦滅諦涅槃學無學者初果已去同見真諦名理和僧。然此理寶亦卽同體。但望佛僧證理邊爲別。化相中三千者所化之境。諦教卽四諦法門雖多而以首者言之。又四諦統攝凡聖因果大小教門廣略異宜無出此四。住持中戒法是僧體儀相卽削染也。一體中如常論者卽指經論之宗。』

芝苑云『衆生妄念天眞本具一體三寶也。諸佛果德清淨無染理體三寶也。乘時利見啓迪羣庶化相三寶也。垂裕後世流及無窮住持三寶也。』見芝苑遺編補遺

△戒疏又云『此三益世近拔三有遠清二死希世獨達可重名寶。故寶性論喻分六義。一希有義。世寶貧窮所無。二寶薄福不遇。二離垢義。世寶體無瑕穢。三寶絕離諸漏。三勢力義。世寶除貧去毒。三寶六通難思。四莊嚴義。世寶嚴身令好。三寶能嚴法身五最勝義。世寶諸物中勝。三寶諸有無上六不改義。世寶鍊磨不變三寶八法不動。』行宗釋云『初約義略釋上三句顯益近遠二字必對因果二死者一曰分段三乘共亡。二曰變易唯佛永盡。希下一句結名希世者世間無故。獨達者超諸有故。故下次引文廣釋今用四種三寶對此六義。初義通四。住持無信不遇。化相無緣不遇。舍衛三億可以明之。理體局聖。凡愚不遇。一體二乘不遇。第二義中唯約理寶歸敬儀云。住持三寶體是有爲。具足漏染。又云化相體是無常。四相所遷滅過千載。但可追遠用增翹敬。據後一體在迷隨染。故此三種皆無此義。第三喻中六通在人。唯對化相毒謂苦惱。第四通四。住持化相能發信仰。理體一體可以修證。皆是嚴身。第五亦通四餘三易解。住持佛法雖是世物。莫不表示法身功用無極。歸敬儀云。金木石土體是非情以造像故。敬毀之人自獲罪福。故知此寶得名無上。法亦準同。剃染之僧爲世福田。人天中勝破戒惡行猶過外俗。況餘持奉其勝可知。

第六唯局理寶。歸敬儀云。此之三寶常住於世。不爲世法之所陵慢。一體雖當然就迷邊隨緣流變。餘二無常。非所論矣。八法者。智論云。衰利毀譽稱譏苦樂四違四順能動物情名爲八風。理寶人法皆是出世無漏聖道。不爲八法之所動故。』

△戒疏又云。『四寶爲言。理寶爲勝。由常住故。爲世所歸。餘三隨設。體是有法。』 行宗釋云。『理。寶。勝。者。理通大小。生空真如是小乘理。清淨心本即大乘理。今須約大以論勝劣。若爾。與一體何異。答。一體在迷。專據凡說。理寶約證。唯從聖論。故分二矣。是故理寶獨勝餘三。』已上皆見戒疏記卷二

▲歸敬儀云。『緣理三寶者。理謂至理。天眞常住。還是心體。且從染說。無始有終。但爲惑網。不能出障。今以三學剋翦纏結。惑業既傾。心性光顯。始終性淨。無始無終。由法成立。隨境分相。卽號此相爲五分法身。謂戒定慧解脫解脫知見也。前之三學從因受名。由戒護助。果成法身。故云戒身。定慧準此可以類知。後二從果次第受名。解脫身者。由慧剋惑。惑無之處。名解脫身。解脫知見。乃以出纏破障反照觀心。故云知見身也。唯佛法中三乘聖者。具此五分。能爲六道作大歸依。故論云。歸依於佛者。謂一切智五分法身也。歸依於法者。謂滅諦涅槃也。歸依於僧者。謂諸賢聖學無學功德。自身他身盡處也。卽自他惑滅所無之處。故云盡處也。如世珍寶。爲生所重。今此三寶。爲諸羣生三乘七衆之所歸仰。故名正歸。』

△歸敬儀又云。『此明理寶是歸依所宗。故覆詳之。令心有寄。』已上皆見釋門歸敬儀第二

第三項 功益

▲歸敬儀云。『經云。若人得聞常住二字。是人生生不墮惡趣。斯何故耶。以知法佛本性常故。一時聞解。熏

本識心、業種既成、淨信無失。況能立願歸依奉爲師範。固當累劫清勝、義無陷沒。如經有人受三歸、彌勒初會解脫生死。此乃出苦海之良津、入佛法之階位。但以罪多惡重、輕而慢者、雖曾受歸、隨緣還失。是故智人初受歸時、專心緣此得名歸依。故感善神隨逐護助。」

見釋門歸
敬儀第二

△歸敬儀又云「以諸道俗有識之徒、皆須歸依三寶、請求加護所得功德、無有限量。七衆約戒、前已受歸。不妨重受重感。無作善惡既爾、戒亦通之。若未受戒、止得但受翻邪三歸。日別六時、隨時便受顯歸三寶、自誓不迴。」

△歸敬儀又云「如善生經云。若人受三自歸、所得果報不可窮盡。如四大寶藏、舉國人民七年之中、運出不盡。受三歸者、其福過彼不可稱計。又校量功德經云。四大洲中滿二乘果、有人盡形供養乃至起塔。不如男子女人作如是言。我某甲歸依佛法僧。所得功德不可思議。以諸福中、唯三寶勝故。又雜舍經云。與須達交者、令受三歸、終生天上。有懷妊者、爲其胎子受三自歸。生已復受。後有知見、復教三歸。設有奴婢客人懷妊生子、亦如是教。若買奴婢、受三歸及以五戒、然後買之不能不買。乃至乞貸舉息、要受三歸、然後與之。若有施三寶物者、從世尊聞、稱名咒願、乃得生天。佛言、善哉。如來有無上知見、審知方便、皆得生天。」

皆見釋門歸
敬儀第九

▲事鈔云「大集云。妊娠女人恐胎不安、先受三歸已、兒無加害。乃至生已、身心具足、善神擁護。」

第四項 懺悔

▲事鈔云「以信邪來久、妄造非法。今創歸投、必翻邪業。阿含等經並令先悔。涅槃云、發露諸惡、從生死

南山律在家備覽略編 宗體篇 戒法門 歸戒儀軌章 翻邪三歸 功益 懺悔

際所作諸惡悉皆發露、至無至處。必論設懲、隨時誦習、亦得通用。」資持釋云「初敍意但使未歸三寶、皆名信邪。隨順生死、皆名邪業。阿含下引示涅槃生死際、即無始時、無至處、即未來際、謂成佛果證大涅槃、卽名涅槃爲無至處、言其臻極更無所至故。必下指法隨時、謂逐人別述通用、謂如諸經但懲三世十惡等。」見事鈔記 卷三十九

第五項 作法

▲羯磨註云「善見論云、並須師授、言音相順。若言不出或不具足、不稱名、不解故不成。」見隨機羯磨第二、已下所引羯磨文皆然不再註出

受五戒八戒時、亦應準此。文略不出。

▲事鈔云「智論云、互跪合掌。在比丘前。五衆得作當教言、我某甲盡形壽、歸依佛歸依法歸依僧。三即發善法次結云、我某甲盡形壽、歸依佛竟歸依法竟歸依僧竟。三結」資持釋云「一具儀、二對境、三作法。言某甲者、稱己名也。盡形壽者、述所期也。歸三寶者、是所投也。言發善者、明非戒也。後三結者、重更囑累、不令忘失也。」見事鈔記 卷三十九

▲業疏云「多論曰、言三歸者以何爲性。有論者言、教無教性。此就所發教之業、從體明性。故若淳重心、有無教也。無教者、此明業體、一發續現、不假緣辦、無由教示、方有成用、卽體任運、能酬來世。故云無教。今時經論多云無作、義例同也。」濟緣釋云「引問中性、即是體。解中三、初正定體、教無教性、彼論續云、受三歸時、胡跪合掌也。是身口教、若淳重心、有身口無教、此就等者疏家斷也。教爲能發、

由教發得無教故云所發教之業卽以無教爲性也。無教者下二釋名一發謂初念續現卽第二念教猶使也謂非教使之然任運自然酬因感報故也。今下三會異卽善生成論雜心等也。』

△業疏又云『作法之時知三說已無作便生故能所不昧於作業也。』濟緣釋云『三說已者此據初念已前通名爲作無作便生卽約次念徹至盡報也能授所受知業成處故不昧也。』

已上疏文二段及釋文示三歸所發之業體初學難解宜參觀戒體門

已上皆見業疏記卷十

第六項 料簡

▲羯磨註云『此但受歸法無有戒法故母論云三歸下有所加得歸及戒若無加者有歸無戒。』

▲業疏云『多論問稱於佛法不稱僧者乃至互少得成歸否答不成受也。』濟緣釋云『乃至互少謂但稱佛而不稱法或稱法僧而不稱佛。』

△業疏又云『又問得從三師各受一歸否答不得。』濟緣釋云『三師各受答不得者人法俱異故。』


△業疏又云『又問得一年半年受否答得隨日多少受三歸也。』濟緣釋云『彼宗五八局時三歸通故。』

▲業疏云『五趣爲言皆得受也除報重者自餘山間空遠輕繫地獄皆成三歸除不解者。』濟緣釋云『修羅徧在五道故但云五趣除報重者別簡下趣以人天二趣自可受故文舉輕獄鬼畜類知除不解者通簡五趣以人天不解亦不成故。』

已上皆見業疏記卷十

第五節 五戒

五戒中分爲七項



第一項 戒德高勝

▲羯磨註云『經云。有善男女布施滿四天下衆生四事供養。盡於百年。不如一日一夜持戒功德。以戒法類通情非情境故也。』業疏釋云『初受戒時。已行三施。盡衆生界。故財有量不及此也。盡形不盜者。已施法界。有情之財。言不殺者。已施法界。有情無畏。卽用戒法行己化他。卽名法施。徧衆生界。財爲局狹。集散之法。能開煩惱害之門。戒法清澄。故絕斯事。』濟緣釋疏云『初總示以初受時立誓斷惡徧生境。故財法無畏施爲三施。盡下二別列。不盜不妄取。卽是施財。不殺無侵惱。卽施無畏。此二自行令他倣之。卽法施也。財施濟彼困窮。無畏令他安樂。此二卽慈悲也。法施使彼開悟。卽智慧也。三者既備。其勝可知。財下三通結。初句示財施局狹。一不具三施。二不徧生境。集下明財施生過。集則不免貪求。散則寧無取捨。得者則喜。不得則瞋。能開煩惱。故不及戒。』

△羯磨註續云『論云。由戒故施得清淨也。』

業疏釋云『智論云。若不持戒得財施者。多貪不淨。以

利求利、惡求多求。故使來世受不淨果。如牛羊猪狗衣食粗惡。若持戒者既絕惡求。清淨行絕乃至佛果。

『濟緣釋疏』云「前明破戒行施之損。若下次明持戒行施之益。」

已上皆見業
疏記卷十

第二項 簡人是非

▲ 羯磨註云「當於受戒前、具問遮難。故善生經云、汝不盜現前僧物否。於六親所比丘比丘尼所行不淨行否。父母師長有病棄去否。殺發菩提心衆生否。」 濟緣釋云「註中四種乃性重中極重之者。白衣有犯障戒不發。不列大妄。非彼犯故。見病棄去可攝殺中。」

若有遮難者。懺淨可受五戒。唯汚尼或汚比丘者。已後不許出家。

▲ 業疏云「如成論中。五逆罪。賊住。汚尼。毗尼不許者。是人爲惡所汚。能障聖道。故不許出家。若爲白衣。得善律儀。不遮修行施慈等善。有世間戒。準此有過。如文不合。必懺蕩已。二教無違。但業重障深。不發具戒也。」 濟緣釋云「初引文中二。初明制出家意。若下明通在家意。且令誘接住善道。故施慈等者布施修慈。皆世福故。準下次義決。雖通五戒。必約懺淨爲言。有過不懺。如註所簡。故云不合二教。卽世教與佛制也。恐疑懺淨容可出家。故約深重釋通教意。」

已上皆見業
疏記卷十

五逆。賊住。汚尼。或比丘。皆十三難攝。已後不許出家。賊住者。未受具足戒人。竊入僧中共受利養。或盜聽正作羯磨等。卽成出家之障難。若白衣偷閱僧戒律。或但聞僧中說戒。雖非障難。亦佛制所不許。如戒疏云。下衆無知。多生慢習。制令耳目不屬。則重法尊人生其欽仰。是蓋恐起輕易之心。故制不許。與賊住異也。

第二項 預習發戒

▲業疏云『將欲受戒、初須說緣境寬狹、令受者志遠見相明白。』濟緣釋云『前四戒並徧有情上發、唯酒一戒亦徧無情發、並同具戒先須開導志遠、謂立誓要期見相謂識知境量。』見業疏

前四戒中盜妄二戒亦兼無情、如下發戒境量中明。

▲事鈔云『薩婆多云、凡受戒法、先與說法、引導開解、令一切境上起慈愍心、便得增上戒。』資持釋云『引論明須師教說法語略、總下境心言開解者解、即是智、戒法深廣、非智不剋、一切境者即情非情、識境發心納體、正要不可粗略、學者至此必須深究、多見誦語、二俱墜陷寧無畏乎。』見事鈔 記卷八

預習發戒中分爲四支——一所受法體

——二發戒境量

——三依境發心

——四用心承仰

第一支 所受法體

▲芝苑云『標心期受須識何法、謂佛出世制立戒法、禁防身口、調伏心行、十方諸佛三乘賢聖並同修故、名爲聖法。今者發心誓稟此法、作法而受、因緣和集、心境相冥、發生無作領納在心、名爲戒體。故知受時彌須用意、一生大事不可自輕。』見芝苑遺編卷三

第二支 發戒境量

▲芝苑云『所緣境、即法界衆生依正等法戒依境制體、從境發境既無量體亦無邊。』見芝苑遺編卷二

△芝苑又云『緣境雖多、不出有一、一者情境、即十方三世恆沙諸佛及諸菩薩緣覺聲聞、諸天世人修羅

地獄餓鬼畜生。下至蚊虻蚤蟲微細蠢動。六趣之外中陰衆生。如是等類皆徧十方。並通三世。無量無邊不可稱數。皆發得戒。二者非情境。謂一切世間微塵國土山河大地草木花果乃至一花一葉一物一塵。隨其數量亦皆發戒。至於空有二諦滅理涅槃聖教經卷形像塔廟。地水火風虛空識等。見芝苑遺編卷三此文宗事
鈔資持釋義今引如下。

資持釋云「空有下四句別舉二寶據情。非情攝境。斯盡爲遮疑濫故須別示上句明化相法也。佛說四諦卽攝世及出世凡聖因果苦集道三名有諦滅卽空諦亦名眞俗二諦次句理卽理體法也。異上空諦是教攝故下二句卽住持二寶問此並非情何須重舉答恐謂聖境非戒緣故問化理二法云何發戒答疏云俱有損壞毀謗義故如提婆破法之類。問化相不明佛住持不言僧者答並情收故理中佛僧俱無別體所以可知。地水下別舉六大上五非情後一是情風空及識境相難見故復示之如盜戒說又復須知隨戒多別如姪殺等單情境也如酒等唯非情也如盜妄等則兼二種謂盜分四主物兼六大妄對所誑復規利養」見事鈔記卷八

盜分四主物兼六大妄對所誑復規利養者若據盜戒所損之物主妄戒所誑之人唯局有情若論盜戒所盜之物體妄戒所規求之利養則兼無情盜戒中物主及物體最爲廣汎殆攝盡一切情非情境如下持犯篇委明。

△芝苑又云「且現前色心無量劫來今生之中造生死業不可窮數惡心徧布充塞法界經云若有體相盡虛空界不能容受若得戒者則翻無量惡業悉爲清淨戒體爲善種子作成佛本基南山祖師云未受已前惡徧法界今欲進受翻前惡境並起善心故戒發所因還徧法界」見芝苑遺編卷三資持云「言法界者若就教限則局三千大千今從圓意須論十方法界無作之體稱境而發等法界量」見事鈔記卷八

▲資持云「森然萬境何事非持若不先發行自何生故知受前預須委學今時昧教誰復知之」
▲資持云「攬無邊戒法歸無盡識藏成善種子作聖道基翻無始惡緣俱爲戒善變有漏苦報卽成法身我等云何不自珍敬佛恩深重粉骨難酬苦海導師朽宅慈父願從今日盡於未來竭力亡身常贊三寶廣度羣品少答聖慈」

▲事鈔云「如是隨機廣略令其悟解若不知者心則浮昧受戒不得徒苦自他 薩婆多云若淳重心則發無教輕則不發豈可虛濫理當殷重」 資持釋云「隨機者須觀利鈍所宜廣略大論示導取解爲期浮謂不重昧卽不明 薩下引示得否由心重輕誠令策進必使開解」已上皆見事鈔記卷八 資持云「重輕二心難顯其相非謂徒然懇惻而已要在見境明白上品要誓方名增上重心」見事鈔記卷十五
▲資持云「問所以須示境者答衆生造惡由迷前境惡業既因境起善戒還從境生是制法之所依爲發戒之正本若不明境將何用心特此廣張深有遠致」見事鈔記卷八

第三支 依境發心

▲事鈔云「次令發戒 應語言當發上品心得上品戒」 資持釋云「如諸律論多言上品前引多論但云增上彼論又於五十具中各分上中下心則爲九品然是通論心之濃薄亦不明示三品之相此中欲令受者知心限量故約文義次第明之獨此精詳餘皆不述 勸發唯言上品故知中下非是正意爲顯上品令知優劣」

▲事鈔云「毗跋律曰發心我今求道當救一切衆生衆生皆惜壽命以此事受是下品輕心雖得佛戒猶

非上勝。資持釋云「下品中言求道者所期果也。救衆生者所修行也。然雖救生行有深淺。一不害彼命。二以法開導。三令得究竟度。前不得後。後必兼前。約義推之初但護命。不令得脫。卽二乘心。前云求道。正據小果。中品所修。以法開解自他兩利。度非究竟。卽小菩薩。雖期佛果。行處中間。望前雖勝。比後猶劣。上品引導令至涅槃。同歸佛道。卽大菩薩行。準沙彌篇三位配之。怡然符合。學者至此。宜須明辨三心。所期行果。分齊。」

準沙彌篇三位者。卽今編中別行篇三觀之文。

△事鈔續云「餘二就義明之。云何中品。若言我今正心向道。解衆生疑。我爲一切作津梁。亦能自利復利他人受持正戒。」資持釋云「中品中初明期果須約佛乘。解下期行明兼兩利。津梁是喻。衆生墮疑故受生死。能爲開解令彼得度。生死如津。我身如梁。法喻可見。」

△事鈔續云「云何上品。若言我今發心受戒。爲成三聚戒。故趣三解脱門。正求泥洹果。又以此法引導衆生令至涅槃。令法久住。」資持釋云「上品中三初明自利行。又下明利他行。令法下明護法行。初中爲成下明遠期也。上二句大乘三學卽因行也。下句求大涅槃卽圓果也。三聚戒者出瓔珞經。聚卽總攝爲義。菩薩三聚攝行斯盡。一攝律儀戒律儀禁惡、結業煩惱。二攝善法戒世出世間大小修證究竟斷故、卽止行也。三攝衆生戒一切含識究竟度故、卽攝行。亦名饒益有情戒。四三解脫者雖是觀慧。非定不發。卽定慧二學。絕縛證真。由此得入。故號三解脫門。然名通小教。今對三聚須局大乘。一空解脫門卽相空也。二無相解脫門卽唯識也。三無作解脫門卽作空也。亦名無願懺篇三觀別配三位。此明大行須約圓修。泥洹果者名亦通小。取大可知。問今此所受爲卽三聚爲非三聚。若云卽

者後須更受菩薩戒否。又復大小混亂如何分別。若云非者戒從心發既發此心那非此戒大見錯解故特提示使自求之。次明利他此法卽上因行涅槃卽上果德。三護法中自利利人傳傳相續佛種不斷故得久住。深慮詞繁略示梗概所謂書不盡言言不盡意自非經遠優柔積習淺識粗心何由可解餘廣如疏。」

▲事鈔云「如此自知心之分齊得佛淨戒亦有分齊。」 賚持釋云「良以無作假作而生既非色心無由表示必約能領顯戒優劣前明上品所期遠大所納之體定知增上故云有分齊也。」

▲事鈔云「問此教宗是何乘而發大乘志耶。答此四分宗義當大乘。光師亦判入大乘律限。」 賚持釋云「前明上品越教乖宗故須問釋。答中初二句標示言義當者則顯教宗本非是大有義相當疏云分通意亦同此。光師下攀古例然彼所判太成通漫文雖引據意不全取四分是大將何爲小卽應梵網體行全同菩薩聲聞二戒無別定知不爾是以祖師所立語意從容義當分通深符教旨。問上品心者爲全是大爲分通耶。答扶成本宗分通義耳。問分通之義出自何人答如來立教被此機緣部主深知還符佛意別立成宗是以前後律序法正所安多伸此意豈不明乎。」已上皆見事
鈔記卷八

疏云分通者見後戒體門假名宗支。

▲芝苑云「問此與菩薩戒體爲同爲異。答體同緣異言緣異者大則三歸四弘請師問遮三番羯磨諸餘法式與今小宗兩途迥別。言體同者以緣爲旁助心是正因緣疏因親體從因發前既心發上品故知今體卽大乘。問體若同者持犯立懲諸餘行相如何分別。答體雖約圓行必依受既受從當教故行相無差。」

若爾持犯既依教限出體何必約圓答體既多途故須圓會律儀不異故得就宗又依教奉持則受隨相應約圓開解使域心於處既開顯大解依小律儀即成大行豈須棄捨方曰大乎故疏云常思此行即攝律儀等。」見芝苑遺編卷一

▲事鈔云「如是發戒緣境及心有增上此之二途必受前時智者提授使心心相續見境明淨不得臨時方言發心若約臨時師授法相尙自虛浮豈能令受者得上品耶或全不發豈非大事」資持釋云「牒上二科誠令早示使下二句卽上心境心須念念無間境必法法無昧毫差卽失可不慎乎今時昧教但知學語豈非宿業所追致使此生虛喪深須責己期遂將來虛浮者以臨事倉卒多容舛謬故」見事鈔記卷八

第四支 用心承仰

▲芝苑云「心境相應納體正要正作法時冥心運想徧緣如上情非情境由境廣故心亦隨徧念念現前不得浮散當想己身總虛空界容受法界塵沙戒法當此之際深須用意莫緣他事差之毫微則徒染法流一生虛喪可不慎哉。」見芝苑遺編卷三

第四項 歎功問相

▲羯磨註云「善生經云具問遮難已若無者應語言此戒甚難能爲聲聞菩薩戒而作根本善男子戒有五種始從不殺乃至不飲酒若受一戒是名一分優婆塞具持五戒名爲滿分優婆塞汝今欲受何分之戒當隨意受爾時智者應隨語爲受。」業疏釋云「善生經中問戒相者以法行務意存始終不取受具致有隨闕觀其志力察其智愚量功進法不徒虛受。」濟緣釋疏云「此明分受所以受具謂具受五

條也。隨處謂受已毀犯也。』

▲業疏云『問、前翻邪三歸直爾卽授、此五戒歸如何簡略者。答、翻邪背邪、初心難拔、故然迴向、宜卽引歸。若更覆疎容還舊跡、五戒不爾。先以歸正、心性調柔、堪思我倒、故須簡略、方入道門。以五體有虧、三乘無託、仍隨分受、皆是任時能接機布教、可準知也。』濟緣釋云『前受歸法不制簡能與此不同、故須問決、簡取略去。答中二初答三歸不簡、覆疎、謂反覆疏理、舊跡卽邪道。五下次答五戒須簡中初彰異、一曾受歸法、不慮退還。二爲入道門、須簡淨器。五戒是聖道之基、有虧則三乘無託、恐有輕犯、故須簡略。仍下準例、以體淨者猶須量能、聽隨分受、明知慮犯故制簡之、故云可準知也。』已上皆見業疏記卷十

第五項 懺悔清淨

▲羯磨註云『阿舍等經云、於受前懺罪已、然後受法。』業疏釋云『阿舍等下明行淨納法也。但無始無明是生死本、若理若事順違俱罪、故須前懺、使心清淨、方堪聖法。』濟緣釋疏云『先懺後受、經論並然、故註云、阿舍等妄起不覺、謂之無始無明、業苦所依、故爲生死之本、動念違理、作惡違事、澄心順理、修善順事、違罪可知、順有罪者、以凡心學道、本惑尚存、造理則取捨未忘、行事則我人難拔、所以順違二俱有罪、義須懺淨以應淨法、故云故須等。』見業疏記卷十

第六項 作法差別

作法差別中分爲三支



一臨時開導
二正納戒體
三示相教誡

第一支 臨時開導

▲事鈔云『若至此時正須廣張示導發戒正宗不得但言起上品心則受者知何是上品徒自枉間今薄示相貌臨事未必誦文。』資持釋云『言正須者顯前發戒且令預習未是正宗今將納法縱令已解更須委曲選擇要語激動蒙心戒師當此不可率易策導開解納法之本故云正宗。』

△事鈔續云『應語言善男子深戒上善廣周法界當發上心得上法今受此戒爲趣泥洹果向三解脫門成就三聚戒令正法久住等此名上品心。』資持釋云『初指法體當下正示發心。』

△事鈔續云『次爲開廣汝懷者由塵沙戒法注汝身中終不以報得身心而得容受應發心作虛空器量身方得受法界善法故論云若此戒法有形色者當入汝身作天崩地裂之聲由是非色法故令汝不覺汝當發驚悚意發上品殷重心。』資持釋云『五蘊色心宿因所感故云報得法既周廣劣報不容必須運動方堪領納故云應發心等虛空無邊身量亦等心法相稱攬法歸心還依報得。』

△事鈔續云『今爲汝作法此是如來所制發得塵沙法界善法注汝身心汝須知之。』資持云『初則鼓令動轉次則舉集在空後則注入身心領納究竟三法次第各有所主由心業力不思議故隨所施爲無非成遂。』已上皆見事
鈔記卷九

初次後三法者若約受五八戒言即三說三歸誓而納戒體如下文所載第一偏說歸誓時法界善法由心業力翻惡爲善悉皆動轉第二偏說歸誓時法界善法聚集空中如雲如蓋第三偏說歸誓時法界善法從空中下注入身心充滿正報。

▲濟緣云『攬無邊聖法蘊有待凡軀五分基成三身體具超凡鄙穢流入衆聖寶位者其斯之謂乎。』見業

疏記卷十五

第二支 正納戒體

▲事鈔云「作法者我某甲歸依佛歸依法歸依僧盡形壽爲五戒優婆塞如來至真等正覺是我世尊。說三我某甲歸依佛竟歸依法竟歸依僧竟盡形壽爲五戒優婆塞如來至真等正覺是我世尊。說三」

資

持釋云「詞句分五一陳己名二歸三寶迴向境界三盡形等顯所期文舉盡壽或一日夜或月或年隨時自改四爲五戒者正立誓也且舉滿分或一分二分亦在臨機五如來等結歸正本也以三寶名通九十六種後須顯正非同前溫由此勝號外道無故如來者乘如實道來成佛也至真者體悟無邪也等正覺者道同三世也此實我歸餘非敬者故云是我世尊見事鈔記 前三歸誓正發戒緣三法纔竟即納戒體後三歸結是囑非體見事鈔記 卷三十九

▲羯磨註云「三授已告云向授三歸正是戒體今又三結示戒所歸」業疏釋云「告令戒體者令知得時節不比由來說後戒相方云受戒也」濟緣釋疏云「多論云有言三歸竟說一不殺戒爾時得戒以勢分相著本意受五故有言說五戒竟得戒恐有執此故特揀之彼論自云諸說中受三歸已得者此是定義卽今所取也」見業疏 記卷十

第三支 示相教誡

▲事鈔云「智論戒師應語言汝優婆塞聽是多陀阿伽度阿羅訶三藐三佛陀爲優婆塞說五戒法相汝當聽受盡形壽不殺生是優婆塞戒能持否答能盡形壽不盜是優婆塞戒能持否答能盡形壽不邪淫不妄語

不飲酒。並準上說。」資持釋云「多陀此云如阿伽度。此云來阿羅訶。此云應。應即三藐三佛陀。此云正等正覺。亦舉三號令生信奉。」

五戒相釋義。如後持犯篇持犯別相中具明。後八戒相亦爾。

△事鈔續云「是爲在家人五戒。汝盡形受持。當供養三寶。勸化作諸功德。年三月六常須持齋。用此功德。迴施衆生。果成佛道。」資持釋云「是下囑累有四。初囑謹護二。勸作福三。令受齋四。教迴向。年三。

者正五九月。冥界業鏡輪照南洲。若有善惡鏡中悉現。或云天王巡狩四天下。此三月對南洲。月六白黑兩半各有三日。按智論。初八天王使者下。十四天王太子下。十五天王自下。觀察衆生善惡。二十三、二十九、三十日亦爾。小盡準布薩。持齋者或受八戒。或但持齋。中前一食中後不得妄噉。今多蔬菜。不節晚食。此雖非齋。猶勝葷血。又仰食而住。但勿已上皆見事鈔。

遇中是佛正教。」記卷三十九

▲業疏云「多論問曰。不受三歸。得五戒否。答。不得。也要先授歸方。得戒矣。所以說戒名者。欲使知名。令護行故。」濟緣釋云「初定發體必在三歸。所以下次明說相別有所爲。」見業疏記卷十

第七項 料簡雜相

料簡中。且舉多宗成宗對明差別。有六種。一對趣二漸頓三延促四具支五自誓六重受。并附列表於文後。

▲業疏云「多論云。龍畜生攝。以業障故。無所曉知。無受戒法。雖經中說受八齋法。但得善心功德。不得齋也。成實云。餘道衆生得戒律儀。經說諸龍亦受一日戒故。善見中。諸龍及神得三歸五戒也。義準多論據無知者。人猶不得。何況鬼畜。如餘得者。謂有知解。」濟緣釋云「雖經等者。卽善生中。龍受八戒。論

家防難以意釋之。齋卽八戒。然是成論所據。卽如下引。善見神者。卽是鬼趣。

▲業疏云「若準多論。五戒不具分受。則不得戒。縱引經證。謂持二三。不言受體。成論云。有人言。五戒木叉。唯頓無漸。此事如何。論答。隨受一二三。皆得律儀。善生所列一分二分少分多分滿分是也。準斯明漸。五師受一得戒。不疑如薄俱羅。唯受不殺例也。」濟緣釋云「不具分受。謂不受五而受一二。則不發戒體。縱引經者。論家防難。卽下善生明分五受。彼謂受時。具發五戒。但由隨中。持有多少。故有一分少分等。次成論中。頓謂具受。漸卽分受。以前三歸。不許互闕。異師別受。並判不成。恐謂同彼。故準決之。薄俱羅。此翻善容。以彼好容儀故。婆羅門種。天竺國人。昔毗婆尸佛時。曾作貧人。持一訶梨勒果。施病比丘。服訖病愈。以此因緣。九十一劫。天上人中。受福快樂。今生婆羅門家。其母早亡。後母惡之。屢害不死。後求佛出家。得阿羅漢。年一百六十歲。未曾有病。蓋從昔嘗持一不殺戒。故受斯報。準知分受理無所疑。」

▲業疏云「如多雜二論解云。五戒一受佛制定。故必須盡形。八戒必一日夜不可乖也。如成實中。亦隨日受。乃至盡形。」濟緣釋云「五戒盡形不可促。八戒日夜不可延。故云佛制定也。」次引成論。二戒延促任意。皆得故云隨日也。」已上皆見業疏記卷十


▲事鈔云「智論問。口中四過。何爲。但有妄語。答。但舉妄語。餘三並攝。又佛法貴實語。故在先攝也。」

資持釋云「若據有部。但發四支。成宗具七。與論頗同。故引示之。」答中上二句正答舉一。又下轉釋舉妄。恐云何不於餘三中。趣舉一耶。故此釋之。」見事鈔記卷三十九芝苑云「彼五八十。唯發四支。比丘方具此宗七衆七支齊禁。」見芝苑遺編卷一

▲業疏云「如律文中皆自誓受者多論文云聽五衆受兩俱得也。」
誓多論俱舍並制從他雖云兩得準下八戒無師故開有則不許。」


△業疏又云「約此問答從他受也。律中云世尊我今歸依佛法僧盡形不殺乃至不飲酒此令自誓八戒既開此應得也。觀時逢否義非抑塞接俗之化隨機而舉可也。」
濟緣釋云「初指上從他律下次明白誓成論八戒亦通自誓文如後引。」

▲業疏云「若準多論不得重受。依成實四分俱開重受故末利夫人第二第三重受五戒卽其證也。」
濟緣釋云「多宗五戒其必盡形故但一受義無重加。成宗不爾任時長短隨受隨增二三重受事見本律。」已上皆見業疏記卷十





第三節 八戒



第一項 裡名

▲業疏云「云戒云齋云關者、衆名乃異、莫不攝淨歸心也。」言入戒者、入卽所防之境、戒則能治之業。

言入齋者、齋謂齊也、齊一其心、或言清也、靜攝其慮、如世閑室亦號齊也。言關齋者、卽禁閉非逸、靜定身心也。」

濟緣釋云「初總示三名、或處單稱、或處連呼云八關齋戒、並如經律呼召不同、息緣離過、善法內增、故云攝淨歸心也。」言下別釋三、初釋戒義、所防是過、能治卽行。次釋齋義有二、齊取專注、心無差別、清取離過、絕諸雜想、世中齋館亦取閑靜之意。三釋關義、從喻爲名、如世門關防奸止寇、卽禁閉義也。」

第二項 功益

▲業疏云「多云經說作閻浮王於人中寶一切自在不如八戒十六分一。」

濟緣釋云「閻浮王卽

轉輪王彼國一錢重十六分故經論中多舉爲比。」

▲業疏云「善生云除五逆罪餘罪皆滅。」

▲業疏云「智論云譬如輶將將兵終竟無勳健將破敵一日之中功蓋天下五戒八戒其相同此良由五但離邪未能清絕八行全淨相同無漏約期乃少取行則多故功益彼。」

濟緣釋云「欲爲生死本絕欲則超生故唯約姪以分勝劣時少則不及盡形行多則加彼三戒仍斷正姪。」

▲業疏云「成實云天王福報亦所不及帝釋說偈佛止之曰若漏盡人應說此偈六齋神之日奉持於八戒此人獲福德則爲與我等。」

濟緣釋云「天王卽帝釋是三十三天主故據論帝釋先說偈佛方止之文中引倒偈云六齋神之日謂天神下降日也則爲與我等帝釋自謂受持八戒福與己同佛呵止之若漏盡人可說此偈則與三乘聖人無漏福等帝釋天福所不及也。」

已上皆見業疏記卷十

▲義鈔云「優婆塞受三歸五戒者聞佛說法得下二果不證三四受八戒者亦證三四。」

見拾毗尼義鈔卷一

第三項 簡人

▲義鈔云「八戒亦問諸難準五戒解。」

見拾毗尼義鈔卷一

第四項 懺悔

▲事鈔云「次爲懺悔智論云我某甲若身業口業意業不善貪瞋癡故若今世先世有如是罪今日誠心懺悔三業清淨受行八齋是則布薩。」

資持釋云「布薩翻淨住亦云清淨。」

▲事鈔云「增一若受八齋先懺悔罪後便受戒。」已上皆見事鈔

記卷三十九

第五項 作法

作法中分爲二支

一正納戒體
二說相發願

第一支 正納戒體

受前應預習發戒及臨時開導等皆同五戒可以例知。

▲羯磨註云「俱舍論云前受戒者下坐合掌隨施戒人語勿前勿俱若違不成。」見業疏

戒人語者師資道成授受有儀非輕法故。

記卷十

受三歸五戒時亦應準此。

▲事鈔云「次受法者智論云受一日戒法長跪合掌應作是言我某甲歸依佛歸依法歸依僧一日一夜爲淨行優婆塞。三說我某甲歸依佛竟歸依法竟歸依僧竟一日一夜爲淨行優婆塞竟。三結」見事鈔記資持釋

云「文爲四段初稱名二歸境三限期準下成論受通長短隨人加改四立誓。」見事鈔記

▲業疏云「言淨行者以所期時奉持九支同諸佛戒故云淨也。何以不言如來正覺者五戒初離邪緣故以正隔之今於五上重增勝行復何須也。」見業疏濟緣釋云「以同佛戒故名淨行私釋對前五戒未斷正婬故加簡之由五戒後具列三號今文既闕故此通之若爾不受五戒直受八戒非是重增理須加唱私釋作法加簡非正受詞義應通得文中且據一往釋耳。」見業疏

第二支 說相發願

▲事鈔云。次爲說相。如諸佛盡壽不殺生。我某甲一日一夜不殺生亦如是。如諸佛盡壽不盜。我某甲一

日一夜不盜亦如是。如諸佛盡壽不婬。我某甲一日一夜不婬亦如是。如諸佛盡壽不妄語。我某甲一日一夜不妄語亦如是。不飲酒、不坐高大牀上、不著華鬘瓔珞及香塗身熏衣、不自歌舞作樂及故往觀聽、亦如是。已受八戒。如諸佛盡壽不過中食。我某甲一日一夜不過中食亦如是。我某甲受行八戒。隨學諸佛法。名爲布薩。』

資持釋云。『正說相中全依智論。準文九戒而言八者。多論云。齋以過中不食爲體。八事照明故成齋體。謂以八戒禁防非逸方顯持齋清淨故云照明。』共相支持名八支齋。故言八齋不言九也。所以不過中食在後獨明。若依羯磨。則合高牀歌舞爲一過中爲八。又增一中過中爲第六。合嚴身觀聽爲一。皆所出不同。隨依並得。』

△事鈔續云。『願持是布薩福報。願生生不墮三惡道入難。我亦不求轉輪聖王梵釋天王世界之樂。願諸煩惱盡逮得薩云若。成就佛道。』

資持釋云。『教發願中初離惡趣。我下揀世報願下示所求。薩云若亦云薩婆若。此云一切智。』

已上皆見事鈔記卷三十九

隨機羯磨中說相發願皆與事鈔不同。今錄於下。隨依並得。

▲羯磨云。『授戒相言。如諸佛盡形壽不殺生。某甲一日夜不殺生能持否。答言能持。如諸佛盡形壽不盜。某甲一日夜不盜能持否。答言能持。如諸佛盡形壽不婬。某甲一日夜不婬能持否。答言能持。如諸佛盡形壽不妄語。某甲一日夜不妄語能持否。答言能持。如諸佛盡形壽離華香瓔珞香油塗身。某甲一日夜離華香瓔珞香油塗身能持否。答言能持。如諸佛盡形壽離高勝牀上坐及作倡伎樂故往觀聽。某甲一日夜離高勝牀上坐及作倡伎樂故往觀聽能持否。答言能持。如諸佛盡形壽離非時食。某甲

一日夜離非時食。能持否。答言能持』 業疏釋云『如諸佛至不殺生舉勝境所行也。某甲已下引已上同。問答之相顯成持誓。有本云我某甲一日夜不殺生亦爾者。直述已契上同於佛。不假問答亦成說相。餘並準此。第三婬戒者。以自他俱遠故。有人云邪婬者。此五戒相由制他開自故。八戒云邪者誤也。第五戒相。有人加辛者。正文無此。既受淨身焉噉羶臭理不可也。第六華瓔油塗者中梵以爲美飾。此方所重衣服裝校。脂粉塗面。以爲修身。如論離舊莊嚴義須準的。第七離高勝牀及觀聽倡伎者合二散慢緣爲一戒也。』

△羯磨續云『阿含經云。如上次第授已。當教發願言。我今以此八關齋功德。不墮惡趣。入難邊地。持此功德。攝取一切衆生之惡。所有功德。惠施彼人。使成無上正真之道。亦使將來彌勒佛世三會得度。生老病死。』業疏釋云『二明願中。自他兩利也。由持齋德對治惡趣者。滅戒難也。八難者。滅障聞思難。上明自益也。他惡攝取己善惠人者。行大道心也。使成正道者。不從他方便。唯一乘法也。將來三會者。緣遇慈氏。近可寄心。』濟緣釋疏云『初總示。由下別釋二。初釋自利。戒法唯人得受。故惡趣爲戒難。聞思修慧。須生善道。值佛聞法。具根正信。故八難爲聞思障。他下次釋他利。行大道心。卽菩薩行方便。是二乘權教。一乘卽佛道實教。豈唯八戒。一宗立教。皆用此意。學者宜知。』疏記卷十
已上皆見業

第六項 料簡

料簡中分爲四支

二對簡多宗
二遲受開成
三獨受離過成
四斷惡攝淨

第一支 對簡多宗

對簡中且舉四種。一簡衆二漸頓三延促四自誓。餘同五戒科簡雜相中。

▲業疏云『多論云受八戒人在七衆中何衆所攝。雖無終身戒而有日夜戒應名優婆塞。若得名者又無終身戒。若言非者又有日夜戒。止得爲中間人也。卽七衆之外更有木叉八戒也。』濟緣釋云『初標問。雖下答通彼宗五戒定須盡形。名終身戒。八戒唯一日夜故名日夜戒。若下轉難。止下重釋。望非終身不當與名。望有日夜不可無名。在可否之間故云中間人也。五十具戒位通七衆並須盡形。所以日夜不在其數。若爾受八戒者究竟何名。答如受法云淨行優婆塞豈非凡耶。上據多宗五八局時故在七衆之外。若取成宗通收俗衆非七外矣。』見業疏記卷十

▲事鈔云『成實云亦得隨受一二三及日月長短並成。』見事鈔記卷三十九

▲羯磨註云『多論云若受八戒應言一日一夜莫使與終身戒相亂。成實云五戒八戒隨日月長短或一年一月乃至半日半夜重受減受並得。』業疏釋云『一日夜者以五種三歸文相叢雜故須簡定、義無混亂。故準多宗必一日夜不通過減。成實隨力多少者接俗之教不可約之如上說也。』濟緣釋疏云『初出彼宗之局。次準成論二戒並通時日多少。』

▲羯磨註云『論中令五衆授之。成實云若無人時但心念口言乃至我持八戒亦得成受。』業疏釋云『多論五衆通授者皆是弘法之人。成智二論開自受者非謂常途故彼文云若無人時得心念受明緣開也。』濟緣釋疏云『多論定從他受彼云夫受齋法必從他受於何人邊受五衆邊受。成智

南山律在家備覽略編 宗體篇 戒法門 歸戒儀軌章 八戒料簡 對簡多宗 遷受開成 獨受離過 斷惡攝淨 四〇

二論並開自受文約無師義兼緣礙

已上皆見業疏記卷十

第二支 遷受開成

▲羯磨註云『俱舍論云、若先作意於齋日受者、雖食竟亦得。』 業疏釋云『由觀他因緣不起犯戒心故。』

▲業疏云『若將欲受、難事不得待難解已、受者亦成。』 濟緣釋云『如王賊繫閉等緣、心通事礙、中後開成。』

已上皆見業疏記卷十

第三支 獨受離過

▲事鈔云『善生受八戒不得多、唯獨受。』 賚持釋云『善生不得多者恐人參混、心不專一。泛論歸戒獨受爲佳則心不他緣法無通濫今多衆受、於理雖通、終成非便。』

見事鈔記卷三十九

第四支 斷惡攝淨

▲業疏云『善生云、若諸貴人常勅作惡、若欲受齋、先遮斷已後方成就、若不遮者、則不成也。』 成實云、有人依官舊法、或爲強力令害衆生、謂無罪者、亦得殺罪、以緣具故。』 濟緣釋云『初引善生明成否、貴人卽王大臣常勅作惡、謂行殺戮鞭捶等事。次引成論以遮疑、依官舊法如宰官秉政依國典刑、或爲官所使刑戮於人、癡人多謂自無有罪。』

▲業疏云『若已受齋、鞭打衆生、雖卽日不行、待明當作、皆齋不淨、以要言之、若身口作非威儀事、卽名不清淨。若心起貪瞋害覺、雖不破齋、齋不清淨。若不修六念等、亦名不淨。』 濟緣釋云『初身口犯、待


明當作卽要期業。若心下一明意犯違情故瞋惱他爲害。上二皆作犯。若不下三明止犯。以受戒者當須逐日念佛法僧及天戒施故。已上皆見業疏記卷十

上來戒法中第二章歸戒儀軌竟

上來宗體篇中第一門戒法竟

第二門 戒體

戒體中分爲四章



▲資持云『戒體四章。初二論體、二中兼行。三四屬法、四中有相。一往粗分、委如下說。』

標云戒體、而併明戒法戒行戒相者、以示四門互相攝故。

▲事鈔云『所以別解脫戒人並受之。及論明識止可三五。皆由先無通敏、不廣諮詢。致令正受多昏體相。盲夢心中緣成而已。及論得否渺同河漢。故於隨相之首諸門示現。準知己身得戒成否。然後持犯方可修。』

南山律在家備覽略編

宗體篇

戒法門

歸戒儀軌章

八戒

料簡

斷惡攝淨

戒體門

四一

離。資持釋云『盲喻無知。夢喻不實。河漢喻其茫然不知涯際。』已上皆見事

事

第一章 戒體相狀

戒體相狀中分爲二節——一能領心相

——二所發業體

第一節 能領心相

▲事鈔云『戒體者。若以通論明其所發之業體。今就正顯直陳能領之心相。』

資持釋云『初標指

彼此所發即無作相謂心之相狀。』

△事鈔續云『謂法界塵沙二諦等法。以己要期施造方便善淨心器。必不爲惡測思明慧冥會前法。』

以此要期之心與彼妙法相應於彼法上有緣起之義領納在心名爲戒體。』

資持釋云『二正示心


相三初二句示戒量法界者十界依正也。塵沙者喻其多也。二諦者佛所立教也。此謂約境顯戒故云等法。以己下二正明心相初句立誓盡一形壽次句通包禮敬陳詞身口二業。善下明屏絕妄念。測下

明心法相應。測思者成業之本得戒之因三品心中隨發何等明慧者反照心境如理稱教而非倒想妄緣前境。上明用心下明合法由上起心必須徧緣塵沙等境法從境制量亦普周心隨法生法廣心徧心法相應函蓋相稱故云冥會法猶在境以心對望故云前法下云彼法義亦同然以此下三明納體又三初二句躡上冥會於下明法隨心起法是無情由心緣故還卽隨心故三法納體之時初動於境次集於空後入於心法依心故名爲法體。領下示體所在若據當分體是非心不顯所依體與心異今言在心乃取圓意卽指藏識爲所依處。』

▲資持云「問、何不直示無作、而明心相者。答、能領之心、發體正要、獨茲曲示、餘並無文。若乃考得法之元、由決所受之成否。苟迷此旨、餘復何言。或無記妄緣、或泛爾餘善。一生罔象畢世遲疑、無戒滿洲聖言有旨。故茲提示義、不徒然。」已上皆見事
鈔記卷三

第二節 所發業體

所發業體中分爲六項



第一項 辨體多少

▲事鈔云「問、別脫之戒可有幾種。答、論體約境實乃無量。戒本防惡、惡緣多故發戒亦多。故善生云、衆生無量、戒亦無量等。今以義推、要唯二種、作及無作。二戒通收無境不盡。」資持釋云「答中初約境示量。今下舉要統收。今正明體、此二爲要、故偏舉之。通收盡者由此二戒懸防總發體中含攝。故此收法體而言境者欲明偏境之法皆歸二戒故。」見事鈔記
卷十六

第二項 立兩解名

立兩解名中分爲二支



南山律在家備覽略編 宗體篇 戒體門 戒體相狀章 能領心相 所發業體 辨體多少 立兩解名

第一支 立兩所以

▲事鈔云『問曰、何不立一、及以三種。』 賚持釋云『言不一者欲顯相須故約互廢以問。及以三者業疏作何不三合謂有作俱無作二法同時宜應更立一合次前爲三。』

△事鈔續云『答若單立作作休謝往不能防非又不可常作故須無作長時防非所從不可孤發要賴作生二法相藉不得立一。』 賚持釋云『初答不立一中先明作須無作作休不防者以作短故不可常作者心或餘用故次若單下明無作須作二下結示。』

△事鈔續云『何爲不三但由體相道理相違一作無作別二心非心別性不可合但得立二。若就所防隨境無量。』 賚持釋云『次答不立三中作無作別者動靜異故心非心別者體相違故若下釋疑以不許立三恐謂戒法唯局此二故特釋之顯上且據能防故唯二也。』已上皆見事鈔記卷十六

第二支 幷解名義

▲事鈔云『問曰、既知二戒請解其名。』 賚持釋云『結前生後總問三名。』


三名者作及無作是別名戒卽通名共爲三也。

△事鈔續云『答云所言作者如陶家輪動轉之時名之爲作故雜心云作者身動身方便。』 賚持釋云『作卽方便構造爲義陶家謂土作家輪卽範土爲坏器之車運之則轉故以喻焉。四大質體名報色從緣動作名方便報起方便方便依報二法相假不一不異但言報未必是方便言方便其必具報今以輪木喻報質輪動喻方便卽名其動以爲作耳故下引證身及動身對喻可解。』

△事鈔續云『言無作者。一發續現始末恆有四心三性不藉緣辦。故雜心云身動滅已與餘識俱是法隨生故名無作。成論無作品云因心生罪福睡眠闇等是時常生故名無作。』資持釋云『一發者一猶始也此句明業體初成卽三法竟第一刹那與作俱圓是體發也作戒既謝無作獨存相繼不絕故云續現。始卽上句一發之時末卽是終謂命終捨也雖通四捨且約常途故餘三不舉此句明業體久長也。四心者通舉四陰三性者別示行陰三陰唯無記行陰通三性故此句顯非心也下句正示無作義也。若翻對作解初句反前卽謝也次句反一念也第三句反善行心也第四句反緣構也故下引證有二雜心中初句躡前作謝生起無作餘識卽四心後心望前作心故云餘也俱卽同時是法卽無作隨生謂任運起也成論中通明業理非局戒也因心者示現從作發也生罪福生卽是發罪福卽善惡無作文舉無記等取餘心。』

一發續現等文初學難解今據後第五項先後相生文義列表如下以資參考今文云無作者卽表中所謂形俱無作也。

始登壇後



南山律在家備覽略編 宗體篇 戒體門 戒體相狀章 所發業體 立兩解名 並解名義 依論出體 四六
四捨者、見後戒行門因示捨戒章。四心三性顯非心者、參閱下依論出體無作體中、又復意無戒律儀之釋文。

△事鈔續云『云何名戒。戒禁惡法。故涅槃云、戒者直是遮制一切惡法。若不作惡是名持戒。』 賚持釋云『初二句直示正義。由此二戒俱斷惡故。故下引證遮制卽禁斷義。』已上皆見事鈔記卷十六

第三項 依論出體

▲濟緣云『此門陳體、且依二宗所計。至後正義三宗分別始是今師正出體相。』見華疏記 卷十五

▲事鈔云『二論不同。今依本宗約成論以釋。』 賚持釋云『二論卽指多成。然今鈔中依宗明體、指略多宗。恐後學至文壅滯、故須略示。業疏廣列六位分別、今但撮要引而示之。初明二戒並是有爲、非三無爲。由假緣構造、四相所爲故。』此有爲無爲分別 三無爲者虛空 擇滅非擇滅也。四相卽生住異滅。

三非色心聚。二戒並色、非餘二聚。此有爲中 三聚分別 三色有十一、總括爲三。一可見有對色即色塵也 二不可見有對色五根四塵三不可見無對色。卽法塵少分法塵有二。一心法、謂諸心數。法二。非心法、過去色法、無作卽此色所收。 今作戒者、身作卽初色、口作卽第二色中聲塵。身口無作並第三色。此色聚中

四色中又有二。一本報色謂四大也。二方便色謂運動造作。作戒非本報。是方便無作非二色。此身口色中 二色分別 五作戒是善色聲、非惡無記。無作戒體是善可知。此方便中 三性分別 六

作業始終皆得爲戒。不同餘善。無作當體是戒、非此所論。此就善中唯約作戒始終分別 已上六位、顯示彼宗二戒俱色。作色卽是色聲兩塵。無作色者法入中攝。名爲假色。』見事鈔記 卷十六

依論出體中分爲二支

一作戒體

二無作戒體

第一支 作戒體

▲事鈔云『先明作戒體。論云用身口業思爲體。論其身口乃是造善惡之具。』資持釋云『言作者始於壇場終三法竟第一剎那已前三業營爲方便構造者是。引論又二上句正出體身口業思者謂行來跪禮是身作也。陳詞乞戒卽口作也。立志要期希法緣境心徹始終統於身口故名身口業思卽此業思是作之體。論其下示兼緣意言造具者顯示身口自無功用推歸心故如世造物百工之器自不能成必由人用比擬可知。問業疏初解色心爲體此何異耶答身口卽色業思卽心故無異也。鈔從顯要令易解耳。』

△事鈔續云『所以者何。如人無心殺生不得殺罪故知以心爲體。』資持釋云『以犯例受者善惡雖殊發業義一故如律心疑想差不至果本又不犯中者擲刀杖瓦木誤著而死扶抱病人往來致死一切無害心皆不犯此雖動色但由無心故不成業。』

△事鈔續云『文云是三種業皆但是心離心無思無身口業。』資持釋云『引證即是成論初二句推末歸本下二句明捨本無末。問今論作體爲是心王爲意思耶答前云業思何須疑問若觀論文三業皆心離心無思之語似指心王然而王數體用以分由體起用用即是體今論作業就用爲言故業疏云言心未必是思言思其必是心宜細詳之。』

△事鈔續云『若指色爲業體，是義不然。十四種色悉是無記、非罪福性。』
五根五塵四大爲十四色。』已上皆見事鈔記卷十六

第二支 無作戒體

▲事鈔云『言無作戒者。以非色非心爲體。』 賚持釋云『非色非心者。此卽成論第三聚名。亦號不相應聚。此聚有十七法。無作卽其一也。良由無作體是非二。故入此收。卽以聚名用目其體。』見事鈔記卷十六

▲業疏云『言非色者。旣爲心起。豈塵大成。故言非色。』 五義來證。一色有形。相方所。二色有十四二十種異。三色可惱壞。四色是質礙。五色爲五識心所得。無作俱無此義。故不名色。』 濟緣釋云『釋非色中二、初約能造對。簡塵卽五塵。大卽四大。二並是色。非彼所成。明非色法。五下次約色義反證。卽上塵大具此五義。無作不爾。一非形方。二無差異。三不可惱壞。四非礙。五非對。十四種如前二十種。卽顯色十二。赤白青黃。光影明暗。煙雲塵霧。此局無記。形色有八。長短高下。方圓斜正。此通三性。惱壞者論云。是色若壞。卽生憂惱。又云。有情有惱。無情有壞。五識心卽眼耳等五識。所得卽五塵也。』

△業疏續云『言非心者。體非緣知。五義來證。一心是慮知。二心有明暗。三心通三性。四心有廣略。五心是報法。』 濟緣釋云『釋非心中二、初句對簡。謂無作業體。非覺知。不能緣慮。與心體異。故號非心。五下反證。心具五義。無作反之。初非慮知。卽是上義。二謂頑善。無有愚智。迷悟之異。故無明暗。三唯是善。非惡無記。四唯一定。故無廣略。謂意根爲略。四心六識乃至心數。則爲廣也。五是三業造起。故非報法。』

▲業疏云『故成實云。如經中說。精進感壽長。福多受天樂。若但善心。何能感多福。何以故。不能常有善

心故。』

濟緣釋云『引成論文二、初證非心。又二、初引初段經文論家自引精進是作壽長是現報福多謂無作增長天樂是生報。若下論家顯示經意人心不定豈能常善此顯無作一發已後任運增多不假心作卽非心義。』

△業疏續云『又復意無戒律儀所以者何。若人在三性心時亦名持戒。故知爾時無有作也。以無作由作生今行不善心何得兼起作又發無作也。由此業體是非色心故雖行惡本所作業無有漏失。』

濟緣釋云『二引後段中二初引論謂意思中無有戒體顯是非心三性心者謂餘善心及惡無記爾時無有作者謂意入餘性無有造作卻名持戒卽知無作任運常存故名持戒。以下疏家委釋又二初釋爾時無有作義。由下次釋三性名持戒義。』

△業疏續云『故彼問曰若無作是色相有何咎答色等五塵非罪福性不以色性爲無作也。又如佛說色是惱壞相無作非惱壞相不可得故不可名色。』 濟緣釋云『二證非色中又二初引前問答答中若立爲色有二種過一非罪福性二是可惱壞如五塵四大具有惱害損壞之義。』


△業疏續云『問無作爲身口業身口業性即是色也。答言無作者但名身口業實非身口所作以因身

口意業生故說爲身口業性。又無作亦從意生如何說爲色性如無色界亦有無作可名色耶。』 濟

緣釋云『二引後問答問中身口是色業性亦應是色答中二初正名義實非身口作者以三性時無有作故因身口意生者謂從本作得名故又下次彰非色有二初約能造詣其所發如下二約空報質其因業。』
已上皆見業疏記卷十五

南山律在家備覽略編 宗體篇 戒體門 戒體相狀章 所發業體 依論出體 無作戒體 顯立正義 五〇

上引成論四段連續科文未易分辨。今別錄科表如下，以備對閱。




第四項 顯立正義

是項最爲精要學者宜致力窮研

▲資持云『上且依論而示克論體相未甚精詳。至於業疏方陳正義乃有三宗。』見事鈔記 卷十六

顯立正義中分爲三支



▲業疏云『夫戒體者何耶。所謂納聖法於心胸卽法是所納之戒體。然後依體起用防遏緣非。今論此法三宗分別。』 濟緣釋云『初略示體貌。納是能受心聖法卽所受戒能所相冥心法和合而成於業。攢法爲業爲道基本。故名戒體。體充正報心爲總主。故云心胸初受則心爲能納法爲所納受已則法爲能

依心是所依。依體起用。卽隨行也。今下次標宗別釋。」

見業疏記
卷十六

第一支 實法宗

▲業疏云『如薩婆多二戒同色者。』

濟緣釋云『薩婆多者以計標宗、雜心俱舍毗曇並同此見。』

△業疏續云『彼宗明法各有繫用。戒體所起依身口成、隨具辦業、通判爲色。業卽戒體能持能損。旣是善法分成記用、感生集業其行在隨。論斯戒體願訖形俱相從說爲善性記業、以能起隨生後行故。』

濟緣釋云『初依宗示體中四、初至爲色敍彼所計各有繫用、卽三界繫。欲界粗段四大、色界清淨四大、所造之業所感之果皆是色法。無色界天非四大造則無有色、但無四大造色、不妨彼天亦有果色。隨具辦業具卽身口能造是色、所起亦色。教與無教二法同聚、故云通判爲色。業卽下二句次示色義。由無教體持則肥充、犯則羸損、有增損義、故立爲色。旣下三明業性。本報無記、從善惡緣方便轉現、戒是善法、教無教體二並善色。旣不推心造、故云分成記用。力用旣弱、不能感果、故推隨行能生集業。謂招生之業體是集因、故云集業。論下四結示體相願訖、卽作謝形。俱謂無作、至於終身。望後隨行得名善記故曰相從。是則由教生無教、無教起隨行、隨行能生集業、集行招來報。』

△業疏續云『如律明業、天眼所見善色、惡色、善趣、惡趣、隨所造行。如實知之。以斯文證、正明業體是色法也。』 濟緣釋云『二引律顯正中二初引文、以下次取證。若此明色乃佛本懷、諸論爭分未窮斯意。況弘論者、罔測可知。』

△業疏續云『如上引色、或約諸塵、此從緣說。或約無對、此從對說。雖多引明用顯業色、然此色體與中

陰同微細難知唯天眼見見有相貌善惡歷然豈約塵對用通色性諸師橫判分別所由考其業量意言如此。濟緣釋云「三斥前諸說中三初牒前所立或約諸塵謂無作假色判歸法入即是法塵此對作戒色聲二塵故云此從緣說緣卽作戒或約無對謂無作體是不可見無對卽翻作戒二種有對故云此從對說雖下次斥其不達仍舉中陰例顯業色無色天報類亦同之如來由此說業爲色諸師不曉立義強分故云豈約塵對等諸下三結其妄判卽上六位分別」已上皆見業疏記卷十六

第二支 假名宗

▲業疏云「二依成實當宗分作與無作位體別者。」

濟緣釋云「言當宗者對前非正學宗故位體別者對前二種體同故。」

△業疏續云「由此宗中分通大乘業由心起故勝前計 分心成色色是依報心是正因故明作戒色心爲體是則兼緣顯正相從明體由作初起必假色心無作後發異於前緣故強目之非色心耳。」濟

緣釋云「初由宗通示中二初敍宗勝分下示體相二初明作體分心成色若論成法則內外色報率由心造若約成業則身口動作皆但是心色是依報等者若內外相望則國土爲依四生爲正若因果相望則色報爲依心識爲正兼緣卽依報之色顯正卽正因之心此明二法不相捨離故曰相從由下次辨無作反作爲名不由色心造作故異前緣法體雖有而非色心無由名狀且用二非以目其體故云強也。」

△業疏續云「考其業體本由心生還熏本心有能有用心道冥昧止可名通故約色心窮出體性各以五義求之不得不不知何日強號非二。」濟緣釋云「二約義考體中二初正示體相二初正示業體。」

上二句推發生之始。言由心者卽第六識意思所造。下二句示生已之功。六復熏六故云還熏。發體之心。故云本心。若論始起。則心爲能。生體是所生。若約熏習。則體爲能。熏心爲所熏。心與業體互爲能。所有能。有用。能謂發起後行。用卽防遏緣非。心道下推本所立。心無形貌故曰冥昧。但有名字故曰止可名。通本唯心造。心冥色顯。所以兼之。欲彰業體。是彼所造。故云窮出體性。卽此乃是示體之處。恐亂宗旨。不欲指破學者。思之如前色心各有五義。無作並無故號。非二此明小教不可直示。且附權意別彰異名。故云強目。問兩云强日。是何教意。答。若據本教翻作爲名。今取通意。識達體貌。卽知二非附權而立。故云强耳。

△業疏續云。問如正義論。熏本識藏。此是種子能爲後習。何得說爲形終戒謝。答。種由思生要期。是願願約盡。形形終戒謝行隨願起功用。超前功由心生隨心無絕。故偏就行能起後習。不約虛願來招樂果。濟緣釋云。二間答釋疑中。此問所來。由後圓教決此二非以爲識種。識旣常存。種則無滅。卽違今宗。命終失義。故採取後文爲難。以彰前後無違。初四句牒後圓教文也。此是者指上二非也。下二句正難。且舉命終義通四捨。答中三初二句總標思卽緣境之心。願謂剋期之誓。願約下二別釋。初釋下句願有始終。故有要期。謝行下次釋上句。思無限齊。故種子不亡。行卽思心。行起願後。故曰超前。故下三雙結。上二句結上種存。下二句結上願謝。問此中後習與前實法集業何異。答。彼明業爲集。因此示種能熏習。委如下說。已上皆見業疏記卷十六

第三支 圓教宗

▲業疏云。『後約圓教明戒體者。』

濟緣釋云。『三圓教中。前並小教。此是大乘。以大決小。不待受大。』

卽圓頓義也。前二偏計空有不均。今悟教權名殊體一。色與非色莫不然。卽圓融義也。前既從權一期赴物。今此克實究竟。顯示卽圓滿義也。具此諸意故名爲圓。問二宗談體自足。何須別立圓教答。兩宗出體。教限各殊。若唯依彼則辨體不明。若復不依則宗途紊亂。故準二經別立一教窮理盡性究竟決了使夫學者修持有託。發趣知歸。爲諸有福田紹衆聖。因種興隆佛法。超越生死萬劫。未聞此生獲除茲一道更無餘途。若非究我祖乘。須信投心無地。一生虛度。豈不誤哉。嗚呼。問依何教義立此教耶。答下引法華涅槃二經爲證。法華開聲聞而作佛。涅槃扶小律以談常舍。此二經餘無此義。華嚴隔出方等彈訶。是以梵網斥二乘爲邪見學。則有違善戒指。小法爲方便。不學成犯。二部之異於此自明。芝苑云。問此與天台圓教爲同爲異。答理同說異。何名理同。以下疏中引法華文用法華意。立此圓體。但彼教統攝此局一事。將此入彼。卽彼妙行之中戒聖行也。何名說異。今此爲明戒體。直取佛意。融前二宗。自得此談。非謂取彼。但名相濫。是故異也。」見芝苑遺編卷一

△業疏續云。戒是警意之緣也。以凡夫無始隨妄興業動與妄會。無思返本。是以大聖樹戒警心。不得墮妄還淪生死。濟緣釋云。初敍立教本致中二、初句標示警意緣者。此明一切諸戒皆我心業。世尊如業制法而警悟之。無別有戒。衆生業無量。故戒亦無量。業無盡。故戒亦無盡。當知二百五十三千八萬無量律儀。非他法也。以下正釋。心爲境轉。故隨妄心境相合。故興業習妄。既久動便隨塵故與妄會。會卽合也。淪歷長劫。愈忘其本。本卽自心。若非佛教。何由思返。此敍衆生妄業無窮。是下次敍如來因業立戒。令息妄業。妄業已息。苦果亦傾。不淪生死。故能返本還悟自心也。」

△業疏續云「愚人謂異。就之起著。或依色心及非色心。智知境緣。本是心作。不妄緣境。但唯一識。隨緣轉變。有彼有此。」 濟緣釋云「二根器差殊中。二初敍鈍者妄計。竊詳此文。正決當今所受之體。前明細色已破。有宗今此唯決四分作無作耳。作戒心。造彼兼色故無作心種。彼謂非色心。故此由佛世機悟有殊。致使滅後分宗各計。故涅槃云。我於經中或說爲色諸比丘便說爲色。或說非色諸比丘便云非色。皆由不解我意。謂不知佛方便說故」

智下次敍利根易悟。二初明因教悟解。境卽情與非情二諦等境。緣卽隨境所制塵沙等法。二皆心作。則一切唯心。不下次明惟觀察。既達唯心。則隨所動用不緣外境。攝心反照。但見一識。識卽心體。不守自性。隨染淨緣。造黑白業。成善惡報。故有生佛依正十界差別。故云有彼此也。無始不了偏法界境。造虛妄業。出沒生死。是故如來如法界境制無邊戒。戒無別體。卽虛妄業如姪盜等。豈別有戒。縱妄成業。禁業名戒。故事鈔云。未受已前惡徧法界。今欲進受翻前惡境。並起善心。故戒發所因還徧法界。又善生中衆生無邊大地無邊草木無量海水無邊虛空無際。戒亦同等。並此意也。」

△業疏續云「欲了妄情。須知妄業。故作法受還熏妄心。於本藏識成善種子。此戒體也。」 濟

緣釋云「三所受體中三、初約圓義以示體相。前明利根未受之前已發大解。此明修證先須稟戒。文中三、初句希求脫離。了猶盡也。妄情之言通含見思無明等惑。次句反觀往業。無始慣習積惡時深。雖達唯心。卒難調制。若非戒法。靜業無由。故云佛所制戒如猿著鎖。如馬轡勒。如捉盜賊。截生死流。發定慧力。菩提基本。涅槃初門。所以三乘聖人並由斯跡。捨此修道。枉費時功。卻步求前終無所至矣。故下三如緣納法。又二初二句示作業作法之言。通收始終方便正受。熏妄心者假前勝境發動勝心。此心反妄即是真心。以

真熏妄令妄不起。卽如鈔云。以己要期。施造方便。善淨心器。必不爲惡。測思明慧。冥會前法。此卽能熏。妄爲所熏。此卽作熏。猶如燒香熏諸穢氣也。下三句正明無作。由熏成業。業圓成種。種有力用。不假施造。任運恆熏。妄種冥伏。妄念不起。此無作熏。猶如香盡餘氣常存也。初句示所依處。亦是所熏也。次句顯能依體。亦卽能熏也。善卽簡惡。種子是喻。如世穀果皆有種子。略說十義一從衆緣生。二體性各異。三生性常存。四任運滋長。五含畜根條華葉等物。六雖復含畜相不可得。七遇時開綻。八子果不差。九展轉相續。十出生倍多。無作具此。故以比焉。然種子名通。義須細簡。初約十界。四趣爲惡。餘六是善。次就善中。人天有漏。四聖無漏。三就聖中。三乘是偏。是權。唯佛是圓。是實。今此戒種。文唯簡惡。若望人天。是無漏種。若望偏權。是圓實種。行者當知。本所受體。卽是一體三佛之種。故薩遮尼韓云。如來功德莊嚴之身。以受戒爲本。持戒爲始。又法華云。佛種從緣起。卽斯義也。下句結示正義所立。唯此間。旣發此體。後用受菩薩戒否。若不須受。卽應約大判持犯耶。若云須受。則無作業爲重發否。並須細求。不可相濫。」

芝苑云。天台疏云。不起而已。起則性無作假色。南山云。熏本藏識。成善種子。此爲戒體。天台性之一字。卽能起因。無作假色。卽所發體。南山藏識。卽所依處。善種子。卽能依體。能起所依。是本有之性。所發能依。卽今受之體。若此出體。文據極明。能所歷然。體性不濫。則受納無疑。修持有託。」見芝苑遺編卷二 芝苑又云。經論所說菩薩戒。自分二體。一當體體。卽是戒體。與今善種不殊。二所依體。心性是也。然則心性。但是戒體所依。實非戒體。」見芝苑遺編卷一 △業疏續云。由有本種熏心。故力有常能牽後習。起功用故。於諸過境。能憶能持。能防。隨心動用。還熏本識。如是展轉。能靜妄源。若不勤察。微縱妄心。還熏本妄。更增深重。」 濟緣釋云。二約隨行以明。

持犯中二、初明謹奉二、初句蹕前受體。故下正敍隨行三、初句明力。言有常者運運不息、生生常住。故次句明能。言後習者有其二別。一者習因徹至未來、二者習果卽後三佛。今明起後且據因論。起下諸句明用。能憶謂時中不忘能持。謂執守不失能防。謂塵緣不侵由憶故持。由持故防。一心三用無前無後隨心動用。語該始終。熏本識者此隨行中熏通作無作。展轉有四。一對境差別。二起心前後三來報相續。四入位階差。靜妄源者語通因果。準下修顯圓證三身。則究竟永盡故云靜也。若下次明慢犯二、上二句反上三用微縱卽警爾念下二句反上戒熏。問熏有幾種答初受作戒熏。熏成無作次則無作熏。熏起隨行三則隨中作無作熏還資本體。若論所熏通熏心識。

△業疏續云『是故行人常思此行卽攝律儀用爲法佛清淨心也。以妄覆真不令明淨。故須修顯名法身佛』。濟緣釋云『三舉因果以細勸三、初攝律儀戒二攝善法戒三攝衆生戒。先知來意。衆生識體本自清淨離諸塵染。由妄想故翻成煩惱。又復本來自在具足方便智慧威神德用。由妄想故翻成結業。又復本來平等無有彼此愛憎差別。由妄想故翻成生死。今欲反本故立三誓。一者斷惡誓受攝律儀戒修離染行趣無作解脫門。復本清淨證法身佛名爲斷德。二者立修善誓受攝善法戒修方便行趣空解脫門。復本平等證應身佛名爲恩德。然此三誓三戒三行三脫三佛三德隨舉一誓二誓具足乃至三身三德。一一皆爾。言有前後。道理無各別如是心受卽發圓體。如是心持卽成圓行。華嚴云戒爲無上菩提本淨名云能如此者是名奉律。涅槃云欲見佛性證大涅槃當須持戒等皆此意也。初釋律儀戒又二初標因果卽之一字點小爲大乃

是圓宗融會之意。智論以八十誦卽尸羅波羅蜜、勝鬘謂毗尼卽大乘學。須得此意可通彼文。律儀禁惡止業破惑徹至究竟清淨心者卽法身體。以下次明所以二初二句敍昔迷不明淨者貪染所障失本淨故。


次二句顯今悟須修顯者稟戒破障卽能顯之因法身卽所顯之果。』


△業疏續云「以妄覆真絕於智用故勤觀察大智由生卽攝善法名報身佛。」濟緣釋云「二攝善法戒二初二句敍迷絕智用者愚癡所障遺本明故故下顯悟勤觀察者修善破障此卽是因報佛是果。」

△業疏續云「以妄覆真妄緣憎愛故有彼我生死輪轉今返妄源知生心起不妄違惱將護前生是則名爲攝衆生戒。生通無量心護亦爾能熏滅本爲化身佛隨彼心起無往不應猶如水月任機大小。」

濟緣釋云「三攝衆生戒二初二句敍迷憎愛卽障忘本平等故由有彼我分別故受生死雜報今下顯悟二初修因三初二句開平等解知生心起亦唯識變彼我同體無高下故次二句修平等行將護之言通含四弘誓四等心四攝行是下二句結名生通下次感果三初二句心境相應次二句慈薰成果次四句明隨緣起應如水月者水喻機感月喻垂應月不入水水不潤月隨器大小波澄影現慈善根力感應難思。」

已上業疏文由戒是警意之緣起至此段止共七段連續科判繁雜今別錄科表於下以備對閱。





三舉因果以細勘中、濟緣於釋文之前先明來意。今依其文、列表於下。

衆生識體

一本自清淨——離諸塵染

由妄想故翻成煩惱

——本來平等——無有彼此愛憎差別——由妄想故翻成生死

南山律在家備覽略編 宗體篇 戒體門 戒體相狀章 所發業體 顯立正義 圓教宗

今欲反本

故立三誓

一者斷惡誓—受攝律儀戒—修離染行—趣無作解脫門—復本清淨—證法身佛—名爲斷德
二者修善誓—受攝善法戒—修方便行—趣空解脫門—復本自在—證報身佛—名爲智德
三者度生誓—受攝衆生戒—修慈悲行—趣無相解脫門—復本平等—證應身佛—名爲恩德

▲濟緣云『問、三聚三身爲同爲別。答、語異義。一、隨舉一戒、三聚具足。隨舉一聚、互具亦然。故知初受圓發三誓、隨中奉持圓修三行、成因感果圓證三身。三誓即是三聚三身、三聚亦卽三身三誓、三身亦卽三誓三聚。心佛無差、因果不二、能如此者、始名圓戒。是波羅蜜、卽究竟木叉、也是知行人。若發此心、若獲此體、當知卽是三佛之種、如何自輕、不加珍敬。然雖三戒彼此互具、至於修奉、恆用攝生、則能任運含攝一切、豈止餘聚耶。問、教有分齊、何須此示答。爲成本宗分通義、故何以然耶。如善戒經、五十具等、迭爲方便、是故受五習十受十習、具受具習大、故前三戒並名方便。假宗知權不住、方便符通深之部意、爲稟大之先容、所以鈔敍發心爲成三聚、此明隨行次對三身願行相扶、彼此交映、彼則期心後受、此乃卽行前修方見圓宗深有來致。若爾既顯分通、何須別立答義。雖通大教終局小、不可濫通、故須別立、隨意盡理、不亂宗途。請觀前明實宗無一心字、次述假宗無一種字、始見聖師深體權實、自餘凡愚、未足擬議也。』

▲業疏云『此門略辨三宗戒體少異、由來涉言語矣。』濟緣釋云『言略辨者、示不盡故、言少異者、若據教宗名義、不濫論其業體、畢竟常同、當知細色、及以二非、無非種子。但是如來隨宜異說耳、涉言語者、言其繁也。』

由第四項顯立正義之初業疏云夫戒體者何耶、至此段由來涉言語矣、乃業疏歷示三宗之文爲南山撰述中最精溝者古今中外。

學者頗盛傳誦。但以記文與疏證會分割間隔。致令疏文散碎。不能融合貫通。惟冀讀者別錄此文。合爲一卷。時以誦持。庶可窺見此文精妙。俾不負律祖示導之聖意耳。

▲業疏云「今識前緣終歸大乘。故須域心於處矣。」故經云「十方佛土唯有一乘。除佛方便假名字說。既知此意。當護如命。如浮囊也。故文云「我爲弟子結戒已。寧死不犯。又如涅槃中羅刹之喻。」濟緣釋云「初示所歸。識前緣者。塵沙萬境。無邊制法。無始顛倒迷爲外物。故受輪轉。今知唯識。無有外塵。故正受時。徧緣法界。勇發三誓。翻昔三障。由心業力。結成種子。自爲戒體。應知能緣所緣。能發所發。能熏所熏。無非心性。心無邊故。體亦無邊。心無盡故。戒亦無盡。當知即是發菩提心。修大慈行。求無上果。此名實道。此卽大乘三世如來。十方諸佛。示生唱滅。頓開漸誘。百千方便。無量法門。種種施爲。莫不由此。故曰。雖說種種道。其實爲佛乘。此卽行人域心之處。然而濁世障深。慣習難斷。初心怯懦。容退苦提。故須期生彌陀淨土。況復圓宗三聚。卽是上品三心。律儀斷惡。卽至誠心。攝善修智。卽是深心。攝生利物。卽迴向發願心。旣具三心。必登上品。得無生忍。不待多生成佛。菩提了無退屈。此又行人究竟域心之處矣。故下引證。卽法華開顯文也。經云「我此九部法。隨順衆生說。入大乘爲本。」十二部中九部屬小乘同歸一佛乘故又云「聲聞若菩薩。聞我所說法。乃至於一偈。皆成佛無疑。十方佛土中。唯有一乘法。不獨釋迦無二。亦無三。三乘相對爲二。大小相對爲二。方皆爾。乘皆同歸一佛乘故。又云「餘乘修證因果色非。於衆生說佛智慧故。色等皆方便假名耳。」既下勸修二初句。躡上開悟。由識前緣。若起毀犯。卽是犯自心故。增妄業故。淪生死故。汚佛種故。退菩提故。失功德利故。大小經論廣勸奉持。雖不顯彰聖意。在此若不知此。得失尙微。旣知此已所獲旣深。所失亦大。理須謹攝。不可微縱。當下結勸奉持。命與浮囊世人所重。且舉

爲喻。諸經論說鵝珠草繫海板比丘皆忘生護戒則壽命浮囊亦未足爲重也文云卽本律文寧死不犯不啻命故涅槃羅刹乞浮囊乃至塵許菩薩不與譬護小罪」已上皆見業疏記卷十六

▲芝苑云「夫戒體者律部之樞要持犯之基本返流之源始發行之先導但由諸教沈隱道理淵邃是以九代傳教間出英賢雖各逞異途而未聞旨決逮於有唐獨我祖師窮幽盡性反覆前古貶黜浮僞剖判宗旨斟酌義理鼎示三宗誠所謂會一化之教源發羣迷之慧日者也初多宗作無作體二俱是色可知二成宗作戒色心爲體亦可知無作以非色非心爲體者然非色非心止是攝法之聚名實非體狀遂令歷世妄說非一今依疏文卽名考體直是密談善種但以小宗未卽徑示故外立名非色非心也故疏云考其業體本由心生還熏本心有能有用乃至云不知何日強號非二細詳此文未卽言善種而曰熏心有用密談之意灼然可見應知此卽考出非色非心之體耳三圓教者謂融會前宗的指實義前宗兩體卽善種子攬本從末此善種子卽前二體攝末歸本是則約此圓談任名無在故疏云於此一法三宗分別故知分別有三體實不二問若言體唯是一分別有三者則前二宗中但有虛名竟無實體耶答宗雖各計體豈乖殊由彼謂異強構他名應知多宗計種爲色成宗計種爲非色心但後圓教指出前二耳故疏云愚人謂異就之起著等更以喻陳如世美玉或人無知謂玉爲石或名非石未能顯體後人得實指破前二若無玉體何有不識喻今三宗相似法也問何因緣故名爲善種答善則是法體種是譬喻謂塵沙戒法納本藏識續起隨行能牽來果猶如穀子投入田中芽生苗長結實成穗相對無差故得名也」

△芝苑又云「所受法體依羯磨疏三宗分別一者多宗作無作戒二體俱色身口方便相續善色聲作

戒體也。法入假色、無作體也。今祖師究體，乃謂善惡業性，天眼所見，歷然可分，與中陰同，微細難知，異彼肉眼所見粗色，故云細色。二者成宗，作與無作二體則異。身口業思，能造色心，作戒體也。非色非心，五義互求，了不可得，無作體也。祖師考體，卽心造業，熏習有用能起後習，心不可狀，假色以顯，所發業量異前作戒，與心與色兩不相應，強名二非以爲戒體。三約圓教宗明體，但以兩宗各隨所計，義說動靜，終非究竟。故跨取大乘圓成實義，點示彼體乃是梨耶藏識，隨緣流變造成業種，能造六識，即是作戒，作成之業梨耶所持，卽號無作，所蘊業因名善種子。業雖心造，一成已後，與餘識俱，性非對礙，復是四大所造體有損益，天眼所見善惡可分，是以如來隨機赴物，或說非色非心，或說爲色，小機未達，計爲色者不許空宗，執非色非心者斥他有部，如涅槃中皆由不解我意，故使諍計殊途，然今所宗並以涅槃終窮之說統會異端，使歸一致，可謂體一化始終，裂後昆疑網，故業疏云，終歸大乘，故須域心於處，如斯明訓，廣在彼文，今人所受正當成實假宗，非色非心是其法體，約圓以通，卽善種也。然此所述，略知端緒，至於業理，極爲深細，自非積學良恐茫然，摸象紛紜，於今衆矣。

已上皆見芝苑遺編卷一

第五項 先後相生

▲資持云『若論作戒，則無先後，獨茲無作有多解釋，故須辨定。』

▲事鈔云『初解云，如牛二角，生則同時，故多論云，初一念戒，俱有一教，第二念中，唯有無教。』 資持釋云『初同時解二、上二句舉喻，故下引證，初念俱有可驗齊生。』


△事鈔續云『後解云，前後而起，故善生云，世間之法，有因則有果，如因水鏡，則有面像，故知作戒，前生無

作後起。論云作時具作無作者。此是作俱無作。並是戒因。至三法竟其業滿足。是一戒俱圓。故云具作無作。不妨形俱無作。仍後生也。亦是當一念竟時。二戒謝後。無作生也。」資持釋云「二前後解二初立義中四初句標義。故下引證。世間法者緣構成故。因卽作戒。果謂無作。如下喻顯。故下準定。論云下二釋妨。由立前後。違上論文初念俱有。故須釋之。文中分二初牒妨。此下釋通二初明作俱齊起。不下示形俱後生。上云仍後在言未顯。猶恐濫同初念之時。故重遣之云亦是等。」

作俱無作與形俱無作之區別。參觀前立兩解名項中之表。

▲資持云「已前二解並是古義。若準業疏卽取初解。但不明三時義未盡耳。」已上皆見事


此項科文亦稍繁雜。今依古義今解各錄科表。分別於後。以備對閱。



▲業疏云「今解一時非先後起。豈有作絕無作方生。由本登壇願心形限。卽因成也。至後刹那。二戒俱滿。故云作時具無作是也。」濟緣釋云「示今解中二初約同時以通前三初取前師。豈下斥

後師。由下申所以二初敍始生。願心形限。卽形俱也。至下次明成就後。刹那卽三法竟第一念也。二戒滿足卽作戒與形俱無作也。」

△業疏續云「且約一受三時無作。初因時無作。此與作俱非乖俱體。不妨形俱因成未現。二果時無作有二。一還與作俱同上明也。二是形俱方爲本體以三法竟示現之時。三果後無作以通形終。」濟緣釋云「二約三時以示相初通標三時者卽前多論初二兩念但初念中取其爾前爲因時耳。初下別列。因時有二作俱未竟形俱潛發二並爲因。二果時者卽上二種第一念時皆究竟故。三果後者卽第二念已去作俱隨謝止有形俱耳。」已上皆見業疏記卷十六



第六項 無作多少

▲業疏云「通敍諸業依多論中大綱有八。」濟緣釋云「通敍者總明一切作無作業。一通善惡二通化制三通定散四通漏無漏故云諸業多論八種而非次列但括略前後所有名相故云大綱有八至下判釋亦兼餘論。」

△業疏續云『一者作俱無作。隨作善惡、起身口頃、卽有業相隨作同生。作休業止、能牽於後。不由起心、任運相感、故卽號曰作俱無作。餘七例爾。』 濟緣釋云『初示業相。作休業止。示分齊。故能牽後者彰。功力故。不下釋名義。問。既隨作有、那不由心答。此言正示無作義也。起心屬作、業力任運不由作故。如世樹影可以比焉。餘下指例、下七事別無作名義、莫不皆然。』

△業疏續云『二者形俱無作。如今所受善惡律儀。必限一生長時不絕。卽有業量隨心任運。』 濟緣釋云『必下示名。由本要誓期一形故。卽下顯體。今明受體。正用前二兩門。餘皆類引。』

△業疏續云『三者要期無作。如十大受及八分齋。要心所期。如誓而起。亦名願也。故彼論云。又此無作亦從願生。如人發願設會施衣。無作常生。扶助願者。』 濟緣釋云『初釋名相。十大受卽勝鬘十願。八分齋卽八戒。前引成論通自誓故。亦下示異名。』

△業疏續云『四者異緣無作。如身造口業、發口無作等。』 濟緣釋云『彼宗七支不互故有異緣。身造口業。如現相妄語。口造身業。如深河誑殺。雖假異緣還發本業。成論不爾。身造發身口造發口。隨具發業。則無異緣。』

△業疏續云『五者助緣無作。如無作品云。教人殺生、隨所殺時。教者獲罪。卽其事也。』 濟緣釋云『引文卽是成論。彼約教人所教行事。助成能教。文明造罪。善亦如之。』

△業疏續云『六者事在無作論云。施物不壞。無作常隨。多云。若作僧坊及以塔像曠路橋井。功德常生。除三因緣。一前事毀壞。二造者命終。三起大邪見。便善業斷。翻善例惡。可以相明。如畜鞭杖弓刀苦具。隨前

事在惡業恆續。濟緣釋云「初明善業論云卽成實文多云卽多論曠猶大也三因緣者初卽所造事壞二三卽能造緣滅應有四句初人物俱在此句不失二物壞人在三物在人喪四人物俱喪三句並失若爾事壞命終應無福報答下云便善業斷非謂永無前業恆在但不相續耳翻下次例惡業對翻可知。」

△業疏續云「七從用無作論云著施主衣入無量定更令本主得無量福如是隨其善惡從用皆爾。」

濟緣釋云「引文亦卽成論入無量定卽四無量定隨善惡者示通說也。」

△業疏續云「八者隨心無作入定慧心無作常起成論云出入常有常不爲惡善心轉勝雖在事亂無作不失言隨心者不隨定慧隨生死心恆有無作。」濟緣釋云「八中卽明定慧心中所發無作兩宗不同故須並出初依多論釋隨定慧者入定發慧則有出則皆無二引成論釋出入常有者不局入定入道也隨生死者死此生彼恆不失故。」

▲業疏云「問此從用業與前作俱有何等異答業相虛通不相障礙間雜同時隨儀而別且如持鞭常擬加苦旣無時限卽不律儀爲形俱業要誓常行卽名願業口教打撲卽是異緣前受行之又是助業隨動業起卽是作俱鞭具不亡卽名事在隨作感業豈非從用惡念未絕又是心俱故舉一緣便通八業餘則例準知有無也。」濟緣釋云「問中欲彰業相故躡相濫以爲問端答中三初通示動念成業業體皆心故曰虛通等警起不定故曰間雜同時下文且舉一緣以明間雜若知心念隨緣起滅動變不恆則善惡邪正或離或合刹那萬異何止於此哉且下列示前則作俱在初此歸第五餘並同前尋文自見然

下隨心本據定慧此云惡念未絕乃是隨義明之。問隨動起業與隨作感業畢竟相濫如何以分答作俱通一切從用局事物由局物故或用不用是以用時必兼二業故知作俱未必有從用從用其必兼作俱莫非具此二心致使業隨心發故下指例上明八業且據全具爲言須知業理隨念不定故云知有無也且今受體初具作俱形俱同起亦有要期須師秉法卽是助緣能牽後習亦卽隨心若論隨行作俱定有互造教他異緣助緣衣鉢資具事在從用功成不滅莫非隨心如是類舉多少可見。已上皆見業 見事鈔記 卷十六

資持云

上來戒體中第一章戒體相狀竟

第二章 受隨同異

受隨同異中分爲二節

一釋兩名

二辨同異

第一節 釋兩名

▲業疏云「問曰何名受隨」

△業疏續云「答曰言受戒者創發要期緣集成具納法在心名之爲受卽此受體能防非義故名爲戒謂墳場起願許欲攝持未有行也」濟緣釋云「釋受名中三初釋受義要期是心緣集卽境納法在心卽心境相應卽下次示戒義謂下結斷分齊」

△業疏續云『既作願已。盡形已來。隨有戒境。皆卽警察護持。無妄毀失。與願心齊。因此所行故。名隨戒。受局淨法。兼染不成。隨通持犯。皆依受故。』 濟緣釋云『釋隨名中四初敍戒義。警察卽能防護。持卽能持。無妄卽能憶。與下次示隨義。因下合名。受下雙判通局。』

▲業疏云『問。願行相依。猶如輪翅。持可順受。犯豈名隨。答。隨有兩種。持犯乃異。俱從受後而生。行兼善惡。皆由受故。相從目之爲隨戒也。』 濟緣釋云『問。中難前隨中通犯。車輪鳥翅兩不可軛。可喻願行必須相副。答中順違雖異。同望本受。俱名隨戒。』

▲業疏云『問。無作名者。可是戒收。隨作乃是後時緣護。但應名善。何得名戒。答。戒是警心。始終緣具。願行成就。方便圓德。要從始心及終行副。皆符戒禁。順成受故。不名獨善。由境周統也。』 濟緣釋云『問中意以受作可名爲戒。隨作但名爲善。此難受作不專戒名。答中二初通示戒義。始終之言通收二作及二無作。無非警心。該周法界。不容少闕。故號圓德。要下正通來問。始心謂受作。及終行副。卽隨作。順受。故名戒境周故。非善。』已上皆見業疏記卷十六

第一節 辨同異

辨同異中分爲二項
一解二作

二解二無作

第一項 解二作

解二作中分爲二支
一先釋二名

二正辨同異

第一支 先釋二名

▲業疏云『何名二作。一者受中作戒。如初請師及三法未竟已前運動方便名之爲作。卽此作時心防過境名之爲戒。二者隨中作戒。旣受戒已依境起行爲護受故。名之爲隨於境起護順本受願名之爲作。不作不有要由作生正對境持故名戒也。』 濟緣釋云『初總徵。一下列釋二。初釋受作運動名作。防過名戒。次釋隨作起護名作對持名戒。』見業疏記 卷十六

第二支 正辨同異

▲業疏云『就初二作有五同四異。一者名同俱名作戒故。二者義同俱防非境。三體同俱以色心故。

四短同對別彰時故。五狹同唯約善性故。』 濟緣釋云『五同中第四云對別彰時者唯局色心運動之頃不通餘時故。』

△業疏續云『言四異者。一者總別異。受作總斷發心過境普願遮防。隨作別斷以行約境生境通色心

不可緣盡心所及處方有行生卽名此行號之隨作。以心不兩緣境無頓現故也。二根條異。受爲行本。隨後而生目爲末也。三懸對異。受始壇場可卽非現但懸遮約故也。隨作對境起治嚴防。由其觀能不爲陵踐故也。四一多異。受作心因一品定也。隨作多品者。以境有優劣心有濃淡故隨境對起心輕重。一

濟緣釋云『四異初中受作總斷由心起願可偏發故。隨作別斷者由行隨境不容並爲故。境通色心者色通情非情心局有情。三中懸是受體對卽隨行可卽非現謂未有非也。觀能謂對治力也。陵踐卽是毀犯。四中受作一定更無改故。上中下品義不同時。』已上皆見業疏記卷十六

資持云『第四云受一品者問多宗可

爾。成宗戒得重受那云一品定耶。答。雖開重受三品不俱故。若爾無作何以受分三品。答。無作非色心故。雖有三品增爲一體作是色心縱增三品初後各異故無多品。見事鈔記卷十六

受隨同異章義鈔有文甚簡明今下列表中多據之。

二作有五同
名同
二作同名作戒

義同
二作同防身口七支

體同
二作同以色心爲體

短同
二作同限於色心運動之項

狹同
二作同局善性

二作有四異

總別異
受作總斷

隨作別斷

根條異
受作是根本

懸對異
受作懸防

隨作現防

一多異
受作一品

隨作三品

第二項 解二無作

解二無作中分爲二支
一先釋二名

二正辨同異

南山律在家備覽略編 宗體篇 戒體門 受隨同異章 辨同異 解二作 正辨同異 解二無作

第一支 先釋二名

▲業疏云「何名受無作耶。即是行者願於惑業斷相續意。無始妄習、隨念難隔。故對強緣希求業援。自發言誠是其因也。三法之期動發戒業。業成志意是其緣也。即此緣業是行願本名受無作。隨無作者刹那已後隨境對防名作戒。作息業成。即名此業爲隨無作。」濟緣釋云「初受無作三初徵。即下次釋又二初敍開悟。故下次明納法。仍分因緣。二法和合乃成受體。三法期者即法就也。即下三結名體。次明隨無作中刹那後者示分齊也。隨業依作。故重舉作以明無作。」見業疏記 卷十六

第二支 正辨同異

▲業疏云「今詳二業。初有五同。一名同。俱稱無作故。莫非是業任運而起。二義同。俱防七非故。三體同。如上三宗故。四敵對同。以受體形期隨非防過爲護體故。即名本體有防。非能實隨行。行起護本。相依持也。隨無作者。對非興治與作齊等。此無作者。非是作俱無作也。謂起對防。即有善行隨體並生作用。既謝此善常在故。名此業爲隨無作。與非敵對。故與受同。五多品同。以受可重發故。無作有強羸。隨心則濃薄。業理亦澆淳也。依多論中受一隨多者。以彼宗中不通重故。止約隨行通優劣也。」濟緣釋云「三中指上三宗者。若實法宗二並是色。若假名宗二並非色非心。若後圓宗二皆心種。四中有二初明受體。據受無作無防非能。而不能自防。故假隨行。如戈矛雖利要由持用方陷前敵。故云相依持也。次明隨中三初通示。此下簡濫。謂下顯相準此對防同時多業。一是本受無作。二即隨中作俱。三即隨行無作與非敵對。五中二初準成論明同。二初明受體。本受許重增。一體有三品。謂初受是下次增爲中。復增爲上。若但

一增則有二品。若本不增亦止一品。隨下明隨行。如前隨過約心各分三品故云濃薄業理卽無作也。依下次引多論顯異彼不立重受。仍自難曰。若爾何故戒有羸不羸耶。答此對隨行不論受體是也。資持云。『四敵對同由有本體方起防護卽名本體能防非也。五中受體有三品隨體亦三也。以業隨心發受隨二戒各具三心故使無作各有三品。』

見事鈔記卷十六

△業疏續云。『次明四異。初總別異受但虛願欲於萬境不造惡也。法界爲量可一念緣豈非總發隨約實行非頓唯漸故別如上。二長短異受體形期懸擬防故說之爲長隨無作者從行善生與方便俱心止則住故名短也。三寬狹異受體相續至命終來四心間起本戒不失故名寬也。隨無作者唯局善性防非護本彼惡無記不順受故義說非有故名狹也。四根條異如前二作可以除疑。』

濟緣釋


云。『二中以隨無作與作同時故心止則住若爾何以前云此善常在答此望不復對防前據已作不失既不能防則非隨戒但名爲善不同受體終身能防由本期故三中四心通三性三心無記行分善惡文中受約四心隨簡三性上下互舉耳四中指前受根隨條不殊二作故。』

已上皆見業疏記卷十六

資持云。『初中受但起心故可總發隨是造修止得別發二中言隨無作事止則無者非無無作但由隨戒隨作防非作謝善在無能不名隨戒故云無耳。前疏云此善常在文證明矣。』

見事鈔記卷十六





上來戒體中第二章受隨同異竟

第二章 緣境寬狹

緣境寬狹中分爲二節
一列釋
二別簡

第一節 列釋

▲事鈔云『就中有四。一能緣心。現在相續心中緣。二所緣境。境通三世。如怨家境雖過去。得起惡心。斬截死尸。現在怨家子。有可壞義。未來諸境。可以準知。故緣三世而發戒也。三發戒。現在相續心中得。四防非者。但防過去未來非。現在無非可防。』 資持釋云『本說所緣而分四科者。心隨境起。故先明

心。心境相應。卽發受體。故三明戒。戒必有用。故後明防四義。相縮不可孤立。故初能緣心中。現在簡過未。相續簡一念。業疏云。念念雖謝。不無續起。卽以此心爲戒因本。二所緣境中。又二初示境。如下舉事顯相。如與己爲怨。其怨已死。卽過去也。怨或有子。卽現在也。孫雖未生。生必爲讎。卽未來也。於此三境俱能起害。欲成淨戒。必息惡心。故所緣境徧該三世。三發戒者。問與上能緣何異。答。前是能緣心。此卽所發戒。由彼受體無可表示。還約能緣以彰。所發。又前二作戒。後二無作。又三局受體。四落隨行。四防非中。現在無。非者。此約對治心行。以論三世。防是預擬。不令起非。對治現前。則防未。非纔失正念。卽落過。非故知現在無。有防義。見事鈔記。卷十六。濟緣云。三所發戒中。若論發業通於未來。且據初得故局。現在蓋約能緣以彰分齊也。

見業疏記

第二節 別簡

▲事鈔云。『然則緣境三世得罪現在過未二境。唯可起心說言三世發也。若據得戒。唯在現在一念。』資持釋云。『前簡所緣得罪現在者。隨中持犯必對實境故。過未唯起心者。境非對現止可心緣故。說言者顯非皆實故。若下次簡所發一念者。局三法竟。一剎那時。以前明緣境通三世發戒。通相續此須重簡局示分齊。』

▲事鈔云。『問。戒從三世發。唯防二字非者。答。若論受體。獨不能防。但是防具。要須行者秉持。以隨資受。方成防非。不防現在。以無非也。若無持心。便成罪業。若有正念過。則不生故也。然又以隨資受令。未非應。一起不起。故防未非。若無其受。隨無所生。既起惡業。名曰過非。爲護受體。不令塵染。懲除往業。名防過非。』

資持釋云『問中緣防相並欲顯防非不通現在之義。答中二先約隨行明不防現在二初直定無非若無等釋無非所以。上二句顯成過非下二句明卽屬未非然下次望受體說防過未二初明防未起非既下次明防過去非』

△事鈔續云『若爾戒必防非非何故起答要須行者隨中方便秉持抗方名防非如城池弓刀擬捍擊賊之譬』 資持釋云『轉難中上明受體能防過未欲推能防功歸隨行故此徵之答中二初正示如下喻顯城池弓刀喻受體擬捍擊賊喻隨行業疏云戒實能防遮斷不起常須隨行策持臨抗方遊塵境不爲陵侵如世弓刀深能御敵終須執持乃陷前陣』已上皆見事
鈔記卷十六

上來戒體中第三章緣境寬狹竟


第四章 發戒數量

發戒數量中分爲二節
一明境偏一切
二明發戒多少

第一節 明境偏一切

▲事鈔云『俱舍云戒從一切衆生得定分因不定何以故不得從一種衆生得故』 資持釋云『初總標學者多昧先須略示分卽是支謂七支業因卽戒因謂能受心此文欲明五八十具四位之戒並徧生境故舉支心兩相比校謂戒支受心有盡不盡容可得戒生境不徧定不發戒謂三戒但發四支具

戒全發七支。此明七支多少皆是得戒。卽分不定也。又若約三善則三心同時。若約三品則隨得一品。此明三心全闕皆可發戒。卽因不定也。獨衆生境不可不盡。故云定也。何下徵釋定義。不得從一種者言。必須偏也。



是表依上段記文及下段鈔記文而立、對閱可知。

△事鈔續云『分不定者。有人從一切分得戒。謂受比丘戒。有人從四分得。謂受所餘諸戒。卽五八十戒也。因不定者有二義。若立無貪瞋癡爲戒生因。從一切得。以不相離故。若立上中下品意爲戒生因。則不從

一切得。』

資持釋云『二別釋二、初釋不定二、初分不定中、一切謂七分也。俱舍卽有部計、謂比丘戒方得七支是具戒故、餘三四支以非具故。若準成宗四戒並發七支、卽皆從一切得定也。今依彼引宗計須知。二因不定中二、先明三善。一切者三心俱時也。若起三毒則有單具、若起三善必不相離故。次明三品。不從一切者三心不俱故。』

△事鈔續云『若不從一切衆生得戒則無也。何以故。由偏衆生起善方得異此不得。云何如此惡意不死故。』 資持釋云『二釋定中比前分因不從一切皆發得戒、緣境反之、故云若不從等。何下釋無戒所以。』

△事鈔續云『若人不作五種分別得木叉戒。一於某衆生我離殺等。二於某分我持。三於某處能持。四某時能持。五某緣不持除鬪戰事。如此受者得善不得戒。』 資持釋云『五種分別者謂初受時發心斷惡、於此五事有能不能、故生取捨。初簡生類有能不能。二簡戒支。彼宗五八局數定故、若受一二但得善行。成論不爾、分滿皆得。三謂國土郡縣。四卽年月日時。五戒盡壽以論。八戒日夜中說。彼部時定成宗二戒盡形半日隨機長短。五中自釋除鬪戰者謂遇此緣不能持故。如下通結準知。戒善偏不偏異耳。』已上皆見事鈔記卷十六

▲業疏云『夫論戒者、普偏生境、俱無害心、方成大慈行羣行之首、豈隨分學、望成大善、義不可也。』
濟緣釋云『大慈卽佛行羣行首者卽發趣義分學者謂持少分而不偏境大善卽上大慈行首。』見業疏記卷十六
▲資持云『準知得戒之心、不容毫髮之惡、高超萬善、軌導五乘衆聖、稱揚良由於此。』見事鈔記卷十六

第二節 明發戒多少


▲業疏云『初就在家士女五戒所獲多少。如多論云。五戒相者。於一切衆生可殺不可殺乃至可欺不可欺。一切衆生下至阿鼻上至非想傍及三千大千世界乃至如來有命之類皆得四戒。以三因緣得十二戒。并以形期三千界內一切酒上咽咽三戒。以初受時一切是酒皆不飲故。縱使入般酒盡戒常成就而不失也。』 濟緣釋云『先別列兩境二初明情境不可殺不可欺者或約境強如佛聖人等或是境弱如蠕動微物不可姪妄等或不可親如諸天餘洲餘趣等乃至者須云可盜不可盜可姪不可姪阿鼻非想約暨論傍及大千據橫說小教境量齊此而已。四戒卽前四支依情境發三因緣者單歷三毒并下次非情境咽咽三戒兼前共發十五戒。縱下總示境滅戒存入般對情酒盡卽非情。』

入般謂入般涅槃。盜妄亦兼非情如前發戒境量中所明。


△業疏續云『今以義推貪等諸毒間雜不定三單三雙一合爲七。用歷過境約文爲五對境爲七就業非情爲八爲十。且以七毒就文歷之隨一一境得三十五戒。徧生有四非情有一如是類推。』 濟緣釋云『初離七毒三單可解三雙者一貪瞋二貪癡三瞋癡一合卽三毒並起。用下次歷戒二初列位約文五者據列相文對境七者五中開姪三境就業非情七支外加酒爲八開姪則爲十。且下正歷合數可見。』

▲業疏云『二明八戒有情同四非情得五以七毒歷緣一一境上六十三戒。』 濟緣釋云『有情同四同上五中前四支也非情五者八戒實九合數如文準前對境爲十一就業非情則二十四。』已上皆見業疏記卷

上明五戒八戒依論與義準二數不同。今綜合疏記之文、列表如下。又事鈔義準之文與業疏異。今亦綜合鈔記之文、列表附後，以資參考。八戒依論無明文。今準五戒例推，並據資持記總數、編輯成表。



下依事鈔列二表，其義準中、以三毒配者爲事鈔本文、以七毒配者爲資持記私約準開之文。



南山律在家備覽略編 宗體篇 戒體門 發戒數量章 明發戒多少 戒行門

八二

八戒 依論 同前

義準

三毒 就九戒以歷

情境

對女六戒

得十八戒

對女共得三十三戒

對男五戒

得十五戒

對男共得三十戒

非情境

各得十五戒

對男共得三十戒

七毒 就九戒以歷

情境

對女六戒

得四十二戒

對女共得七十七戒

對男五戒

得三十五戒

對男共得七十戒

非情境

各得三十五戒

對男共得七十戒

上列諸表、且依多宗、五八戒唯有四支而計數。若依成宗五八戒皆有七支可準此例而增加其數也。

上來戒體中第四章發戒數量竟

上來宗體篇中第二門戒體竟

第三門 戒行

第一章 正明隨行

▲事鈔云「戒行者既受得此戒秉之在心必須廣修方便檢察身口威儀之行克志專崇高慕前聖持心後起義順於前名爲戒行」 資持釋云「初牒前科必下示行相方便有二卽教行也教謂律藏必依師學行謂對治唯在己修由本興心稟教期行以爲受體今還如體而學而修文明檢察似偏約行然離過對治非學不立廣修之語理必兼含檢察卽心心卽行體準業疏具三能憶能持能防一心三用無非順受方成隨行此謂能察身口威儀卽所察此二句須明成就二持遠離兩犯而云身口且據粗非約準今宗義通三業上云檢察正示修行下云慕聖明其標志克猶定也崇重也前聖通目三乘已成道者持下結示名義持心卽行後起順前示隨行義」

見事鈔
記卷三

▲事鈔云「然則受是要期思願隨是稱願修行譬如築營宮宅先立院牆周市卽謂墳場受體也後便隨處營構盡於一生謂受後隨行」 資持釋云「初對體辨行中二前約法明要期卽盡形斷惡決絕之誓思卽緣境周徧慈愍之心合此二心混爲一願卽受體也稱願者合上要思卽隨順義譬如下次約喻顯初營宮宅喻求聖道下喻受隨可知營構謂造立屋宇」

△事鈔續云「若但有受無隨直是空願之院不免寒露之弊若但有隨無受此行或隨生死又是局狹不周譬如無院屋宇不免怨賊之穿窬也必須受隨相資方有所至」 資持釋云「二互顯相須中二

初。敍互闕。又二先明闕隨。寒露者。喻無善蓋覆。弊謂困死。喻沈惡道。若下明闕受。隨生死者。但是世善。非道基。故又局狹者。緣境不徧。惡心存故。穿竅謂穿壁。竅牆也。由無外院。其間房室容彼穿竅。此明無受。防約雖修。善行還爲塵擾。喪失善根。如賊穿竅。盜竊財寶也。必下次示相須。」

▲事鈔云「問。今受具戒。招生樂果爲受爲隨。」 賚持釋云「問。中上明相須其功一等。招生感果必有親疏。故須顯示。」

△事鈔續云「答。受是助緣。未有行功。必須因隨對境。防擬以此。隨行至得聖果。不親受體。故知一受已後。盡壽已來。方便正念。護本所受。流入行心。三善爲體。則明戒行隨相可修。若但有受無隨行者。反爲戒欺。流入苦海。不如不受。無戒可違。是故行者。明須善識。業性灼然。非爲濫述。」 賚持釋云「答。中二初對顯親疏。二上二句明受疏也。必下明隨親也。以墳場初受頓起虛願。對境防約漸修實行。行卽成因。因能感果。故業疏云。故偏就行能起後習。不約虛願來招樂果。然受隨二法義必相須。但望牽生功有強弱。隨雖感果全自受。生受雖虛願終爲隨本。是則懸防發行。則受勝隨微。起習招生。則隨強受弱。教文用與學者。宜知。故下二別彰行相。又三初成隨之相。一受等者。舉始終也。方便者。對治智也。正念者。攝妄緣也。護本受者。隨順義也。入行心者。卽示二持成業處也。三善體者。明業性也。則明等者。示必修也。以知感果功在隨中。則知徒受不持無益矣。若下明無隨之失。爲戒欺者。功業深重。犯致大罪。故不如不受者。激勵之切。非抑退也。是下結誥。行者之言。通屬末代也。令善識者。誠精學也。一須識教教有開制。二須識行行有順違。三須識業業有善惡。四須識果果有苦樂。必明此四始可攝修業性等者。如向所明順持違犯善惡因果。皆

如業理、非妄抑揚、令生信故。灼明也。」

已上皆見事
鈔記卷十六

▲資持云『圓修者、既知受體、當發心時、爲成三聚、故於隨行、隨持一戒、禁惡不起、卽攝律儀、用智觀察、卽攝善法、無非將護、卽攝衆生、因成三行果、獲三佛、由受起隨從、因至果、故業疏云、是故行人常思此行、卽三聚等、又云、終歸大乘、故須域心於處、又云、既知此意、當護如命、如浮囊略提大綱、餘廣如彼、咨爾後學、微細研詳、且五濁深纏、四蛇未脫、與鬼畜而同處、爲苦惱之交煎、豈得不念清昇、坐守塗炭、縱有修奉、不得其門、徒務勤劬、終無所詣、若乃盡無窮之生死、截無邊之業、非破無始之昏惑、證無上之法身者、唯戒、一門最要、術諸佛稱歎、偏在羣經、諸祖弘持、盛於前代、當須深信、勿自遲疑、固當以受體爲雙眸、以隨行爲兩足、受隨相副、雖萬行而可成、目足更資、雖千里而必至、自非同道夫、復何言悲夫。』

見事鈔記
卷十六

▲芝苑云『每以兩端開誘來學、一者入道須有始、二者期心必有終、言有始者、卽須受戒、專志奉持、令於一切時中、對諸塵境、常憶受體、著衣喫飯、行住坐臥、語默動靜、不可暫忘也、言其終者、謂歸心淨土、決誓往生也、以五濁惡世、末法之時、惑業深纏、慣習難斷、自無道力、何由修證、故釋迦出世五十餘年、說無量法、應可度者、皆悉已度、其未度者、皆亦已作得度因緣、因緣雖多、難爲造入、唯淨土法門、是修行徑路、故諸經論偏贊淨土、佛法滅盡、唯無量壽佛經百年在世、十方勸贊、信不徒然。』

見芝苑遺
編卷三

第二章 因示捨戒

▲戒疏云『汎列經論捨相不同、如雜心說、若捨命終斷善二形生也、善生經、加受惡戒時捨善戒、俱舍論、八戒期心盡夜分終故捨、且列如此。』 行宗釋云『雜心四捨、言若捨者、卽作法斷善、卽起邪見、善生

惡戒。卽惡律儀。上五通五八十具。俱舍期心。唯局八戒。義兼五戒。言且列者。示未盡故。

斷善卽起邪見者。邪見語通未能的。指考行宗別文云。斷善失戒。四捨之一。卽生邪見遠捨三寶。見戒疏記卷五。

▲戒疏云。問。今捨戒者。爲捨已生隨行爲因之業。爲捨初願本受無作體耶。答。已生爲因。不可捨也。得聖無漏方傾善習。今所捨者止是本體。更不相續。故雜心云。言捨戒者。戒身種類滅也。』 行宗釋云。『未捨之前。所有隨中持行。名已生善。後未修者。名未生善。今明捨戒。爲捨何者。問中乃約行願兩審。答文方見已未存亡。答中二初答。因業不失。結業在心。行功不滅。故不可捨。及證初果。無漏智力達罪福性。漏業方傾。習合作集。謂集也。 今下次明無作體失本體。卽無作不相續者。失未生善也。故下引證。戒身卽受體無作種類。卽相續善行。二皆云滅。證上可知。』

▲戒疏云。『作法捨中。具緣有五。初是住自性者。二所對人境。如多論云。若無出家人。隨得白衣外道相解者成。三有捨心。四心境相當。如律中邊不領。前人不解。並不成捨。五一說便成。』 行宗釋云。『初云。住自性者。卽具本受體也。』

▲戒疏云。『所以開者。凡夫退位。知何不爲。帶戒犯非業。則難拔。故開捨戒。往來無障。卽是大聖善達機緣。任物垂教。號法王也。』 行宗釋云。『初敍機劣。內凡以上。不羸不捨。已前皆容有退。故云退位。卽外凡也。故下顯開意。往謂開捨來謂再受。善惡兩通。故云無障。卽下結歎權巧。王者得其自在。於法自在。故稱法王。』已上皆見戒疏記卷六。

第四門 戒相

▲事鈔云『戒相者。威儀行成。隨所施造動。則稱法。美德光顯。故名戒相。』資持釋云『初卽承前隨下正示。問。事鈔隨戒釋相篇中以戒本爲相。與此異者。答。此約行明。彼就法辨。然行必循法。法必執行。文云。動則稱法。豈不明乎。』見事鈔記卷三

戒相有二義。一約行爲相。二以法爲相。事鈔標宗顯德篇中。約行爲相。卽此略文也。事鈔隨戒釋相篇中。以法爲相。卽今編持犯篇所引據也。

上來宗體篇中第四門戒相竟
上來第一宗體篇竟